

萬曆辛亥京察記事始末

萬曆辛亥京察記事始末目錄

卷之一

史記事
太監將作疏

附劉承禧與高攀龍顧憲成并辯書其

徐紹吉
京察伊邇疏

王紹徽
京察屆期疏

吏部本
京察屆期疏

曹干汴
京察屆期疏

湯兆京
內計時日已迫疏

湯兆京
敬陳京察事宜疏

吏部等衙門 京察屆期疏

金明時 察典關係匪輕疏

徐縉芳 貪臣巧避察典疏

王 圖 病亟思歸疏

金明時 險臣穢惡昭彰疏

劉國縉 人言波及疏

徐縉芳 揭貪臣設謀布毒

王 圖 直臣私書聞見疏

徐縉芳 揭大奸煽禍陷人

許弘綱

京察大典疏

金明時

撫臣飾辯可原疏

黃克纘

揭近閔邸報

孫丕揚

催請考察日期疏

鄭繼芳

邪謀愈出愈奇疏

史記事

邪黨蓄謀已久疏

李炳恭

按臣誤信挑構疏

金明時

恤臣貪肆誦邪疏

史記事

微臣病不可支疏

彭惟成

察期未定疏

梅之煥 計期原有定例疏

歸子顧 計期屢易疏

卷之二

許弘綱 告天文

孫丕揚 倡言要挾疏

湯兆京 揭爲昨接邸報

孫丕揚 免過堂告示

金明時 微臣靜候察典疏

湯兆京 奉 旨佐察疏

金明時 被添靜聽疏

孫丕揚 喧嘩道臣疏

秦聚奎 捨死報國疏

附岳元聲補救乙未外察疏

湯兆京 邪臣阻撓京察疏

曹于汴 考察國典攸關疏

孫丕揚 據單秉公考察疏

附伍袁萃彈園雜志

許弘綱 贊計無能疏

許弘綱 匪人承乏疏

孫丕揚 察疏久留疏

喬允升 邪臣敢亂察典疏

王圖 伏枕求歸疏

喬應甲 微臣思親病劇疏

孫丕揚 考察會疏

南吏部 遵例嚴核考察疏

喬應甲 今歲大計疏

許弘綱 懇乞 聖明速完計典疏

刑部等衙門 喧嘩道臣疏

許弘綱 察疏久留臣罪日重疏

孫丕揚 直指缺官大害疏

沈正宗

摺內見家宰

秦聚奎

請恩頒部疏

梅之煥

銓務廢弛疏

孫丕揚

摘叅諸臣疏

許弘綱

明大體以副公評疏

湯兆京

察疏尚稽中外候

旨疏

曹于汴

乞發察疏以彰

國法疏

許弘綱

佐憲昏庸疏

丁元薦

憲臣持議當堅疏

朱一桂

特反大亂將作之疏

喬應甲 揭職外轉

附喬應甲難焚墓序

馬孟禎 時事日非疏

胡應白 愚臣杜閑侯命疏

鄒繼芳 直發和謀所益成疏

譚敬 微臣荷 上特恩疏

王正善 揭職去年駁顧憲成三書

李邦藻 揭職言誣戮父明

周永春 察難族檢遺父疏

卷之三

孫丕揚

老臣辭職日又疏

許弘綱

煩囑田湛疏

曹永汴

煩言侵誣疏

湯兆京

計典久稽刑謀轉熾疏

朱一桂

揭職昨一疏侵及同官同年

徐良彥

揭邪謀猜陷疊出

馬孟禎

臣疏指事有據疏

周起元

揭檢本假捏公單

湯兆京

國是關係甚重疏

徐兆魁

部臣借事發端疏

湯兆京

煩言更端疏

胡忻

微臣無端被指疏

蕭雲舉

風影悞聞疏

吳炯

揭據實辨誣

張養正

世局愈變疏

徐兆魁

揭支吾飾辯

姚宗文

敬陳時弊以祈
聖鑒疏

湯兆京

揭昨見徐海石一揭

徐兆魁

揭頴見湯質齋一揭

徐兆魁

辯指湯節疏

喬允升 國是混淆愈甚疏

徐緒考 懇發私書來歷疏

湯北京 咨訪原有成規疏

沈正宗 感時激衷疏

沈孚先 微臣已遂去志疏

洪文衡 剖良心存公論疏

姚宗文 臺臣疏辯支吾疏

徐兆魁 游詞眩惑疏

王圖 揭再陳私書聞見

湯北京 煩言愈無根底疏

卷之四

蕭雲舉 風波突起疏

王 圖 微臣疊荷恩留疏

高 節 羣邪煽禍匪輕疏

王萬祚 黜幽大典宜結疏

曾陳易 和關一言可破疏

孫丕揚 科部救人疏

孫丕揚 南疏三至疏

彭惟成 純臣義不諱過疏

湯兆京 察典也結器競未杜疏

張惟任 揭清修執友

王 圖 人言叢至疏

喬允升 察典紛囂未已疏

劉元霖 奉南京都察院書

丁元薦 國是愈紛邪謀轉熾疏

附王堯封學惠齋稿

葉向高 揭昨蒙 皇上慰留尚書

喬應甲 微臣親老病真疏

史記事 人言日異世道可憂疏

張鳳彩 南北公論大明疏

彭惟成

看詳章奏疏

徐紹吉

言路漸輕疏

彭惟成

再叅無耻曹郎疏

朱一桂

邪臣阿附甚明疏

歸子顧

流言貽禍已極疏

史記事

邪人得勢益張疏

丁元薦

衆口求勝不已疏

梅之煥

時事敝壞已極疏

丁元薦

乞恩致仕以全初志疏

馬從龍

檢臣罪狀已明疏

鄭祖法

天倫關係匪細疏

卷之五

葉向高

患病乞罷事疏

鄭繼芳

假書雖敗而害已行疏

鄭繼芳

揭假書情形難掩

史記事

異說煩興疏

曹于汴

紛紜未定疏

徐良彥

揭近見馬掌科一疏

湯兆京

察事尚煩指摘疏

胡忻

邪臣執迷譸張疏

李邦華 暢長安公論甚明

徐縉芳 儉臣借事設罪疏

王圖 孤臣招禍有因疏

孫丕揚 羣言滿口察案謀翻疏

孫丕揚 假書無根疏

翁正春 代題寸元薦患病不能供職疏

史記事 揭謬言宜察

沈正宗 敬循職掌疏

張鳳彩 揭職昨見虞部沈君儒

馮從龍 謹述明盛甲錢糧疏

王紹徽 孤臣憂危病苦疏

馬從龍 司臣巧詆求勝疏

岳和聲 聞言已合知休疏

附吏部催任劄付

沈正宗 科臣查例失實疏

沈正宗 揭科臣借事聚訟

朱一桂 司臣傾險異常疏

沈正宗 貪險科臣庇罪欺君疏

朱斯桂 司臣計專穢潑疏

沈正宗 揭拆長安街科道疏

沈正宗告示 叅處阻撓事

鄭繼芳 部臣搜及舊差疏

徐紹吉 時政業腫多端疏

吉人 大奸次第拔去疏

李邦華 和臣辯窮情見疏

王圖 孤臣病困已極疏

喬應甲 親老病真萬難赴任疏

徐兆魁 平空駕捏疏

周達 言路不宜旁置疏

徐緒芳 揭日接邸報見南京周御史

賀烺 國是愈淆疏

沈正宗 濫估居間之罪久定疏

徐兆魁 部臣借事設穿疏

徐兆魁 揭事不相涉

賀烺 揭昨接抵報

賀烺 揭見聞真確

卷之六

史繼偕 溺職久懷歸休疏

周達 旁署愈肆疏

鄭繼芳 譏諂恃黨與之多疏

喬應甲 臣病轉劇疏

賀 烺 人品難誣疏

馬孟禎 林屈久厲之人疏

喬應甲 九懇天恩疏

沈正宗 揭見鄭御史疏辨

王紹徽 積病纏綿疏

王紹徽 去國孤臣疏

李 朴 朝野人望幾空疏

熊廷弼 按臣疑誣異常疏

熊廷弼 揭項被察兵科

錢春

險肆寺臣營私鬻法疏

徐兆魁

臺臣傾陷有因疏

錢春

邪臣聞言理屈疏

徐兆魁

發奸觸恨疏

潘汝楨

察事期迫疏

徐兆魁

病軀難效疏

周起元

僕臣利口飾辨疏

錢春

邪臣積惡已明疏

李邦華

邪正久淆疏

徐兆魁

揭疏辨原非得已

徐兆魁 揭墨誣詞通

徐兆魁 揭游言易熾

錢春 揭寺臣心神恍惚

劉策 寺臣逞兇肆辨疏

魏雲中 寺臣黨邪害正疏

李徵儀 敬陳銓政緊要五事疏

張延登 感時觸事疏

毛一鷺 揆地宜實疏

趙興邦 直陳大臣小臣是非之概疏

翁憲祥 訃典已竣疏

姚宗文 敬陳三大臣去位之概疏

商周祚 紛爭無已言路日輕疏

周永春 臺臣支辭強辯疏

張延登 謹因年例之爭疏

方詩教 直發黨人之禍疏

孫居相 無耻科臣造言反噬疏

吳亮嗣 臺臣驚悍妄言疏

張延登 內降之旨宜停疏

葉向高 科部爭論內旨疏

田一甲 議論已明煩囂宜息疏

姚宗文 明勘私書以清議論疏

劉宗周 修正學以淑人心疏

官應震 聖治方隆羣器轉熾疏

陳一元 用人之人關世道否泰疏

周達 人臣無可去之義疏

王萬祚 時事不堪再壞疏

李朴 奸邪科道結黨要錢疏

劉廷元 公道不明妖言肆起疏

田一甲 部臣附邪醜正疏

劉宗周 揭妄言被糾

卷之八

駱駝曾 國是紛囂已息疏

潘汝禎 邊餉之乏已議疏

張銓 奸人肆言亂政疏

韓浚 邪僻司臣逞臆惑聽疏

葉向高 憲臣輕譴蒙疑疏

過廷訓 國是日非剖分宜早疏

姚宗文 直陳空國之禍疏

毛一鷺 糾邪情窮撤賴疏

過廷訓 臣疏有據臣心甚平疏

彭宗孟 宦禍日烈黨譽日深疏

王宗賢 愚臣萬懇退閑疏

劉廷元 察典成案已定疏

孫光祿 選郎關係非輕疏

唐世濟 直陳天下危亂之形疏

姚宗文 直剖紛紜之論疏

葉茂才 揭辨奸蒙疑

劉光復 科臣心術奸險疏

金汝諧 修人事以彌天變疏

牟志夔 瀝陳愚悃疏

葉茂才

因疾乞休聞言增惕疏

官應震

父子至情無解疏

過廷訓

朝議漸清旁置不止疏

胡來朝

身病雖歸君恩未報疏

姚宗文

言路空乏已甚疏

萬曆辛亥察察記事始末卷之五

汝南周念祖彙次

雲南道御史史記事爲大亂將作直發群奸逆謀以杜禍亂事臣聞古語云國家之治衆君子成之而不足一小人壞之而有餘此兩言千古不易所以舜有天下先舉二十二小惟恐賢者之不多旋誅四兇惟恐小人之不遠賢者既舉兇人無罪猶不敢謂天下已治已安骨相與咨詢儆戒二十二人不獨舉五人而重任之故孔子曰舜有臣五人而天下治

皇上試思今日大臣賢者有幾總不過五六人而當
事者惟葉孫三臣二臣之言亦不聞朝奏而免報
至被權奸一槩不理是舜用二十二人不足
皇上以五人爲足也舜信五人而猶丁寧弼違
皇上卽二臣不聽也舜竄四凶不與同中國

皇上置冠于側任其遠邇謀亂而猶寘不察也

皇上得無謂君子雖少而小人之去者法伏者伏亦
何能爲害不知群奸包藏禍心勾連黨與徼倖一
劍以遂傾危其心未嘗一日已也近聞元惡大猾
實造陰謀與合勢賣然槍之奸卒之一時亦不能

如其狡險陰毒之甚者臣始得之傳言不勝憾異
既見書牘餘情形今閣臣已論家宰亦稍稍見疑
矣寇在門廷戈矛滿地 宗社安危只在旦夕
皇上猶高拱不顧乎夫從古君子小人迭爲其勝有
一番小人敗亂卽有一番君子整治而亂日常多
治日常少則小人之工于勝君子也今二十年來
秉正嫉邪之賢

皇上旣棄不用漸已沉沒而二十年來節次被逐之
禍奸結聚如蚊窺伺日深其機關可以通輿其術
力可以鑽天其術智可以伴龍一世當此仁賢空

虛之時二三君子如晨星碩果不絕尚堪魁魅縱橫
讒邪交構哉夫小人實煩有徒所推戴元兇不
過一二臣姑舉其渠魁最著爲

皇上陳之夫

皇上馭曆二十年時當事者非申時行乎密揭賣交

幾危宗社賴

皇上神明摘發其奸抱頭鼠竄當時黨與如雲斯解
此一小人之亂也至王錫爵妨賢病國又甚于時
行並封一疏得罪

祖宗公議不容卷若而退當時黨與更竄入其津此

又一小人之亂也又未幾而有沈思孝者出擁戴
張位謀逐太宰廣交言路草疏授人令御史趙文
炳先叅選邸蔣時馨以發端此后台省互爭玉石
俱焚深恨小人誤國誤已出疏檢舉謂時馨原
是清品并條思孝江東之岳元聲目之爲三奸又
言臣疏實思孝所手授一時臺省叅思孝者不下
十餘人思孝遂掩面而去當時黨與多被言者攻
破此又一小人之亂也嗣是而沈一貫當事其機
謀奸詭又并申王朱李而一之謀殺建宗巧借
妖書欲傾沈鯉郭正域若非

皇上明察千古不白之獄其黨與又合先后一軌此
又一小人之亂也中有周孔教者御史溫純惡其
黨邪害正欲處之孔教託人百叩矢誓謝絕純悞
信而恕之異改前愆孔教反以爲恨傾陷益巧擅
附益工純竟爲孔教所賣而逐矣凡一貫私人皆
孔教密友此又一小人之亂也至趙世卿圖伏拜
棄生平以附一貫朱虞主楚獄逐汪若霖其罪猶
不止空餉媚內而已者而黨與譴訛者亦衆此
又一小人之亂也季廷機借群奸之保舉惡衆正
之糾彈欺君誤國欺罪亦不止通賈起廢而已者

而黨與又并申王沈朱四人而續爲一脉比又一
小人之亂也邇乃顧天垓素行狡奸希圖大物南
科臣段然發之殆盡臣舊聞天垓畱心經濟議論
慷慨心竊慕之故段然疏至臣猶以爲苛而駁其
一二旣而南中來者歷數天垓居家之醜鄉邦羞
耻都中與天垓久處心知又一一寫其反覆閃爍
情狀臣方愧見之不早幾爲若悞而又服然之能
知人也且南北相激是非幾淆幸今議論漸息賢
奸較著惟候

皇上舉枚十補大寮起廢秩允考選諸事次第舉行

庶幾太平之望不意天堦遍走太倉四明吳門之
家伏地痛哭謂二十年來相臣盡被彈射嚇以子
孫之憂受以鬼蜮之計錫爵等亦相歔歔誓相身
家一聽指揮思孝見丕楊起冢宰呂坤推總憲方
爾熱中聞天堦謀躍然欲飛駕扁舟三往鄭振先
家與天堦密謀糾合太倉吳門四明共出金錢鉅
萬以合蘇州巨猾翁啟陽并天堦妾父楊州富商
周松皋會銀五十萬於臨清自蘇州至京師共開
設當舖七十餘處博一會合奸謀傳播消息暗釐
重寶賄結要地謀促太倉出門引天堦入閣其事

先逐向高繼逐丕楊并館中壬辰以前官詹弼手
之人引思孝爲太宰擢孔教爲中台而孔教久結
近侍熟諳機關向爲時行錫爵草所用因奉

旨日久不使遲留天堦教以鄉紳保留之策賄賣諸
壽賢逼請按臣保疏一上希冀從中准留三窟旣
成諸奸得勢兇謀四合大亂將作昨有一金吾述
嘉禾素昵於思孝會飲之時思孝乘醉告以祕謀
金吾良心不灰反加厭薄將思孝與天堦先後密
謀發露於毘陵諸君子并發露于南京科道會此
書傳播都人都人見之無不寒心不意青天白日

之下乃有魑魅之輩公然橫行也或有疑者謂天
堦負此重託安敢復來是不其然夫晉江不去太
倉不辭其意爲何向高義不受辱不揚難進易退
若兩賢去一時望者群奸必將唆人中以他事一
網打盡到此時節則

內肯可微外言可隔出者出來者來同者用異者伐
心腹爪牙當權用事有何思考不冢宰孔教不臺
省天堦不大拜乎柰何見之不蚤也嗟嗟此數奸
者當其一發作難賢良已不堪摧折

國本已不堪動搖今且合謀併力欲舉清寧之宇宙

而翻之欲舉磐石之

社稷而撼之此菑小人之亂較前此小人之亂兇醜
異常其禍寧止清流白馬之慘已哉夫忠臣義士
何難一死見節惟是

祖宗相傳二百四十餘年之大業玩弄于群奸股掌
之上臣不勝痛哭流涕誓不與奸頑戴天履地也
伏乞

皇上蚤自爲計大奮軋綱法有虞四兇之誅將廷機
錫爵世卿思孝天堦孔教等

勅下九卿科道從公勘驗治其交通誤國之罪更儆

有虞三十二人之選枚卜大寮起廢考選刻期舉行庶幾亂萌可杜治安可期而風動之化大舜不得專美于前矣夫奸黨衆盛臣豈不知觸之卽碎第言則禍止于臣不言則禍及于國與其禍國毋寧禍臣此臣嘔心泣血而不能已于言也懇惟

聖明鑒察

已酉十一月十八日

附劉金吾承禧與高景逸書

前過嘉禾會沈司馬繼山先生篤先世通家之好推諸賢氣脉之同歡然道舊肝膽盡披深慶國

有典刑老成具在也但其微意惓惓不能忘情于
西北而究其作用似欲仗顧開雍爲前茅耳心切
驚懼恐司馬墮顧君術中而不知也大丈夫乃心
王室無論貨財妻子卽一切人我恩怨是非皆當
一齊放下司馬與西北小嫌不孝備知所謂上殿
相爭如虎下殿不犬和氣何足介意而反欲與小
人作緣操戈同室哉此必顧君自知事體決裂計
無復之歟灰無再然之期窮獸萌反鬪之志思司
馬公負天下重望而適與西北形迹未融故多方
離間百計歛弄司馬心切爲國則爲不必然之

慮以惕其衷司馬心切好賢則倡一網打盡之說
以亂其聽爭先攘臂明欲奮擊于北以取媚于南
秘計奇謀實欲挑釁于彼以釀禍于此攻之而勝
則長驅席捲而我爲假道之虞攻之不勝則憑軾
傍觀而彼收漁人之利嗟乎亦巧且毒矣大抵此
君智術甚狡而今以困衡拂逆揣摩愈精往者爲
四明謀主則匿身不露而使他人出頭今日爲四
明翻案反束身詐降而欲以我攻我假虎之威旣
重誣乎江夏鵲蚌之計乃再試于嘉禾堂堂司馬
何墮顧君術中而不知耶昨 先生言司馬公必

不中計不勝慶幸但鄙人過慮寧密毋疎望先生偕涇陽先生及劉本如丈密切提醒照破奸謀更致鄭太初儀部勿納其邪以永令譽寧使無此事而不孝有失言之愆不欲其有此事而國家受無窮之害也近日太宰旁招俊乂獨有所遺似亦成心不化示人不廣亦望諸老開誠默導使之盡撤藩籬共偕大道超然玄覽只爲天下辨邪正更勿于衆正之中再分枝葉同心合德戮力王家則天下有太平之象小人絕窺伺之萌而宗社享靈長之慶矣

劉金吾承禧復顧涇陽書

承禧楚之鄙人也少承父祖之訓長藉師友之規
葵藿永懷芝蘭願託以是 當代名賢猥辱交游
方期淬礪毋負知己昨從邸報見先生與揆宰書
微及不佞隨拜手教述不佞去歲盛稱沈司馬之
賢疑不佞前者寓書高景老之僞欲借此以白不
佞之誣而今不佞更端言之也感刻感刻夫司馬
之賢不但往歲稱之卽在今日而仰止之心不替
也所寄景逸先生書係不佞親筆手書無一字之
僞也不佞之誣在增飾不佞之書以傳于京者而

及其子者不具論卽沈司馬贈不佞詩有清狂悲
父黨慷慨見門風之句蓋不佞以父執事司馬而
司馬亦以猶子視不佞所從來矣何却可脩而欲
誣陷之乎乃不佞寓書於高先生亦自有微見俯
仰於君臣師友之間而不容已者沈司馬壁立萬
仞孫太宰百折不廻皆真君子也 國之宗臣也
沈爲先父患難至交孫爲先父鄉試座主皆真通
家也父之執友也顧崑山欲結司馬以求通於諸
賢又欲借攻西北以取媚於司馬此真消息也人
所共知也卽司馬公親謂不佞顧開雍三次通書

於我我未答之是司馬雖不納崑山之奸而崑山
固有求通之實矣又云人言近日所用某某必成
官闈莫測之變云云是司馬雖不脩西北之郤而他
人實有挑激之言矣夫程頤蘇軾豈不皆賢但蜀
洛一分而熙豐舊奸起乘其隙遂使黨籍禍興而
宜仁幾致不免不佞傷於往事過抱隱憂恐南北
分而崑黨起乘其隙也玄黃之血嘗將無已故託
司馬之敬信而嚴事者密地提醒使之勿納邪謀
其脩大道則 國家之柱石益堅而

宗社之靈長有慶耳伏見先生致太宰書亦云剖破

藩籬其成一家鄙人之致望於沈亦猶先生之致
望於孫固將舉東南西北之邾而盡融之乃敢自
脩其邾耶彼僞書者腹中自有鱗甲遂致失吾本
旨耳卽如胡隆宇不佞雖不相知然九年司理有
大功于地方郭宗伯昆仲嘖嘖稱之不佞固郭之
末友也何故鑿空巧詆張袞應則風馬牛不相及
矣人各有懷而借不佞以行其意我自有書而人
改竄以亂其真傀儡無識爲人舞弄則有之若謂
不佞舞弄則不敢也妄意微言解紛而不圖有蘇
張之事唯知捐糜報國而不虞動仇忌之兵媒

葉中傷爲人誣陷則有之若謂不佞有所誣陷則
又不敢也夫不佞之敢不敢亦何所據據在原書
此外添捏改竄之書則添捏者改竄者自當之不
佞所不及知也不佞初幸樗朽之質爲東林諸先
生收而深懼舞弄誣陷之名爲東林諸先生玷故
不覺喋喋如此唯先生精察而少爲之白

以上二書乃金吾自刻以辨後一書者其後一
書則

紫雲山先生轉寄

郭明龍先生者具如左

昨促席傾談拜領玄旨饑渴之念不覺頓舒方今
南北紛爭默奪潛移全在臺下嘉禾事體與門下
宣言尚未詳盡舟次蕪關有終不能釋然而去者
謹以始末再陳之往過嘉禾會沈繼山先生座間
抵掌時事卒然問曰子楚人也去江夏甚近知郭
宗伯與顧開雍論德交情若何禧應曰此事知之
最真兩君冰炭不相入也方四明禱妖書傾陷宗
伯時姚給事文蔚實匡其事顧與姚同館莫逆也
秘畫奇謀顧實戎首宗伯罷歸傾國相送而顧獨
不出京中縉紳所共見也卽此事而冰炭可知矣

沈公默然旣而扼腕歎曰天下事且將壞矣兄過江夏當爲言之秦人掌銓首先推轂寧陵耀州若曹何用將構江克之禍舊時

官僚皆整粉矣禧竊訝其言之驟也姑應之曰如此計將安出沈曰顧諭德有心人也彼能排擊關中關中云而

國本安

官僚固矣禧佯應曰此舉固奇弟顧君方負天下重詎安能驅使言乎沈曰不難云邑舊令尹太初鄭君時望所歸而諭德所親也乃以胡隆字張寰應

幹旋于內若等力能辨此矣嗟乎承禧於是始得
而窮其源蓋顧天堦窮兇極險逆理亂倫江南四
郡素有曹操楊廣之稱一旦决裂不忍其身與四
明俱敗而雄心終未戢也嘗欲令其餘燼再張虐
焰橫視宇內四明所深忌而切齒者惟關中與江
夏耳四海所傾心而深服者亦惟關中與江夏耳
故陰比鄭振先以肆行其奸而陽借郭宗伯以號
令于衆以爲事成而秦楚兩敗遂可復燃四明之
冷灰卽不然而秦楚相持亦可坐收漁人之利至
三虎交傷而亦莊子之計成矣鄙人過計寧密勿

踈望台丈偕涇陽景逸先生密切提醒照破群奸
更致鄭太初勿納其邪以永終譽于太宰前開誠
默導使之盡撤藩籬共偕大道只爲天下辨邪正
更勿于衆正之中再分枝葉同心合德戮力王家
則天下有太平之象小人絕窺伺之萌而

宗社享靈長之福矣

戶科給事中徐紹吉爲京察伊邇分理需人懇乞
聖明蚤 諭責成以重 大典并陳愚見以脩採納
事職惟 國家京察之典六年一舉所以甄別官
邪風勵在位法至嚴重矣第非稽詢之預則賢否
未易周知必職掌之專斯嫌怨無容規避故大臣
職要小人職詳舊章具存率由惟謹柰何今日分
理之人尙泄泄也近見吏部催督考功司郎中張
養才勒限趨任隨奉

俞旨無容再瀆惟是六科十三道均有咨訪之責而
吏科河南道實罕會議之衡使漫然無所主持是

衆爲政也必待竭蹶于臨事恐聽易熒也豈臺長
偶病催疏未陳而六科比肩誰爲懲通查之往例
時日已迫不應坐視而緩圖也不知今番察典較
諸往昔尤于 朝端治亂大有關係更宜不厭詳
慎者職竊有欸欸之愚敢臚列爲

皇上言之一曰採公論職聞公論卽

主權也必 朝廷之舉錯與天下人心之是非合之
始成其公嘗觀曆年考察惟癸巳乙巳當事者秉
直持正不避權貴最稱公道後雖有曲庇私人阻
撓鼓鑿狂逞其間者然竟無如公論何也於時主

察之功司與持論之臺省迄今起用方隆卿席虛
左而曲庇簞鼓者安在哉此亦察典得失之林矣
兩年來言路宏開糾彈幾遍奸貪之輩自壞生平
卽羣議之紛業有定評可謂邪正是非瞭于觀火
者矣願狐兔之多窟以致訛言之煩興流傳熱市
捥據聽覩職以爲四海人心盡萃于 輦轂各衙
門清議湛然若山泉但願

皇上勅任事諸臣虛心博采無黨無偏以循諸大道
之公耳二日操平心昔人謂治道去其太甚而綜
核之過和氣必傷矧乎人才進退而柰何以小節

過求之故一事註課不啻其他畏一言少乖豈病
其樹立通因人情變幻局面屢更是以趨時者多
信理者少或有涉世方新而意氣激發者矣或有
生平侃侃而職偶偏幻者矣又或有瓜李微嫌遂
蒙不韙已經懲勑尚懼吹毛者矣諸如此類未易
枚舉所貴特衡者以平恕之道行之總計六年官
評始定之時黜陟固毋令稔惡漏網亦毋致微青
株連倘干中不辨真偽不分重輕一遭挫折便作
焦桐損 國家培養士氣之心長後來脂韋巽悞
之習其爲蕩平 盛治之累多矣蓋愛惜人才亦

莫非所以爲社稷計也三日禁中傷夫衆口爍
金三人成虎萋菲貝錦之嘆所從來矣每值計吏
之年私揭暗投中傷不少京察外察時會有粘無
名揭帖于科道私寓職得卽焚之心識其人後果
降處嗟嗟唯其說之行故頽風不可熄耳且曩者
揭害之端多市井小人或山人墨客爲人報怨今
則縉紳中稔爲之矣故有同官同事自揣不免則
無端詆謗以重人罪而潛爲脫身之計抑有勢位
相逼才智相猜含沙假手而陰肆傾陷之謀羅織
者利于兩敗要挾者幸于兩全此等巧險令咨訪

拾爲奇貨而不覺混淆臧否變亂黑白良非細故
宜勅行厥衛緝事衙門及五城兵馬司蚤夜密
拏治以重罪凡見有粘帖卽許塗毀庶奸回屏迹
而衡鑑愈真矣四曰破額例職觀考察各衙門俱
額有成數見任者若干員離任者若干員持籌按
牒沿爲成例此雖斟酌于人情多寡之當然必非
祖宗之舊也職以爲去奸欲盡而善類宜全如某衙
門不肖果多何妨于倍處如某衙門人皆稱職奚
必于取盈况乎以事權筦籥之署與清閑株守之
曹程量功過其炎涼厚薄亦大有分矣乃數盡在

彼卽瑕疵垢穢畧而不問數缺在此雖言語文字
並坐誓尤主者或乘震疊之微權止欲示人以不
測之威福而豈其若是一成之不變哉此亦當通
融議處以破拘攣之見者也夫由職前二說誠有
切于救時之亟務由職後二說不過申明往日之
常談娓娓豎儒自漸謏陋竊妄擬于一芹一曝以
仰裨

皇上勵世之人典耳伏乞 先諭該部院責成分理
諸臣應任事者任事應趨程者趨程悉心體 國
協贊休明更將職所條議 垂神省覽如果朴忠

可採 勅下兩京一體施行庶舉錯當而人心服
和氣流而泰道光矣臣愚幸甚天下幸甚

庚戌九月二十七日

戶科右給事中王紹徽爲京察屆期敬陳末議以
佐大典事臣惟國之興立以賢不肖各得其理故
人君簡賢絀不肖善善固長而斥惡尤加謹焉凡
以端本澄源而布大公于天下也洪惟我

朝稽古定制京官考察每五年一舉其歛揚淘汰關
係匪細已經在事諸臣條分縷析言之不啻詳矣
然尚有隱而未發者臣謹揆之時勢詳度其得失
之機撮其四要四不要仰塵

睿覽惟

聖明少垂鑒焉請言四要一要定壓卷之人夫制科

取士先定壓卷必壓卷得人而後衆無異議臣惟
舉錯一理也舉有壓卷錯亦有壓卷彼其人身黨
羣小招幟邪佞媚寵乞墀滋蔓益難圖矣故其工
非虞舜不流正邪非孔子不誅不然舍豺狼而問
狐狸是曩者張綱之所竊笑也故壓卷宜定也所
以服天下之心也二要焚居間之牘夫士有一定
之論女有不易之行所從來矣故古人于賢者所
居恒造廬而請誠以收名定價匪賢罔所取衷第
賢者以誠信待人每易爲其所欺況其傳授增加
文書糾紛者娓娓不可勝記也卽如往者考選

定一函至而更者紛起至今噴有煩言不無爲盛
世之累夫砥礪混玉昔人所嚴顧乃欲盡庇其黨
哉故竿牘宜焚也所以成諸賢之美也三要破調
停之說夫邇來門戶分別對壘相攻大非盛世光
景當事者有意調停不爲無見聞徐積芳等謂自
古調停爲害某老師不出則已出則當痛處一番
以快公論言雖過激再思之是或一道蓋邪正不
同方邪之所欲正之所憎邪者利之正者病之宋
家之議論多成功少病正坐此故調停宜破也所
以息驚競之風也四要辨蜚流之語昔唐虞之世

詢事考言而罷訟讒說不使殄行故能上下輯睦
而朝無立政何至今蜚語之多也無根無蒂鑿空
煽搆故出于市井其常也出于朝紳則異矣出于
大臣則又異矣始而造言流布熒惑人心今且造
成書札投入當路共定傾危之計巧爲一網之謀
則何堅不摧何紆不投此許由所以有匿冠之垢
伊尹不能免負鼎之辱故蜚流宜辨也所以恤忠
良之苦也請言四不要一不要訪單匿名夫律禁
匿名見者卽便燒毀被言者不坐所以防奸回也
今計典訪單則將搜盡昇之科道吏部常矣而復

匿名混投何爲者夫科道露章而論列人吏部揚
眉而黜陟人皆任怨之官顧作此避怨之事臣竊
惑之請自後交單非明註姓名者不收過堂之日
某人有單卽出其單公議之得實則公棄之不則
反坐則挾私報忿陰螫傾陷者茂由進也故匿名
不可不禁也恐其來讒邪之口也二不要曖昧坐
處夫律稱凡假曖昧不明姦賊事情汚人名節者
有坐所以保善類也況計典摧翮風穴終身名節
所關尤非眇小其必賊私狼狽士論不齒者而後
可其必險狠深刻草菅民命者而後可其必占風

奏事反覆回過者而後可其必倚傍起家陰謀敗
露者而後可凡此皆彰明較著人所共知共見所
謂處一人而千萬人懼者是也不然誅名而不察
實徇一曲而開衆竇致令耿介獨立之士坐貽謗
缺則國是其何賴焉故曖昧不可不禁也恐其借
中傷之路也三不要膠執成心夫曰成心則執而
不化我先自蔽也其何能鑑物其必以天下人之
心完天下人之事如某人貪則還之以貪南北不
必問也某人酷則還之以酷攻救不必問也餘以
類推則我無私而人自服若云某雖貪酷清流所

收其雖未必貪酷清流不與一有此念便屬成心
卽作意圖之恐是非不無顛倒故成心不可不化
也恐其中羣枉之魔也四不要毛舉細過蓋自士
鮮完行過亦人所時有而有意搜索卽中材胡能
自免故杞梓連抱而有數尺之朽良工不棄柰何
于人而以一節格之吹毛求疵則刻核之意勝采
名不采實則心跡之辨爽得無有以一事之註誤
而遂掩其生平者乎得無有懲創之方新而復追
咎其既往者乎得無有爲師友受累而難以自白
者乎得無有爲君父起謗而無以自分者乎總之

皆仁人之所隱而君子所必原也故細過不可不
畧也恐其失憐才之意也合而論之行四要而姦
邪寒心除四不要而良善安枕卽卑之無甚高論
則版築于決隄撲滅于燎原庶幾其有濟焉故敢
不厭詳慎冒昧上陳伏祈

皇上留神採納俯賜施行天下幸甚臣不勝悚息待
命之至

庚戌十月

吏部爲京察屆期酌議停推科臣以褻鉅典事考
功司案呈照得內計六年一舉恃在本部與都察
院堂上官而咨訪會議則吏科都給事中河南掌
道御史與本司共之者也頃見吏科左給事中呂
邦耀河南掌道御史湯兆京具疏推吏科都給事
中曹于汴急出視事仍欲本部暫停太常之推以
埃事竣誠恐于汴釋擔之念常存則肩事之心不
確可爲計慮詳審矣伏祈照議停推等因案呈到
部看得都給事中曹于汴雖經臣部擢陞太常寺
少卿然新命未下舊官未脫自當循職修業不

宜杜門遷延分義所在夫復何辭但恐察期伊邇
若復依舊推題倘萬一旦夕得

旨致臨期易將非宜合無照依臺臣所議暫停推陞
以待察典告完方敢補牘再請庶使干汴一意
任事不得藉言五日京兆以辭勞怨之責也

庚戌十一月初四日

吏科都給事中曹于汴爲京察屆期敬陳未議仰
佐重典事來歲之春又當考察京官一應條例
節經建白不啻詳矣但或日久法弛時異習變有
不得不申飭者臣等謬與其事何敢不竭其愚夫
賢否各在當人黜留關于國憲其賢者天之所

欲用

皇上之所當用非諸臣能以意舍也有如違天而欺
君其誰敢乎臣等區區竊以公虛平核四字條布爲
說仰候

聖裁何謂公

天威咫尺神明森布雖有親昵不得以私庇雖有仇
讐不得以私陷況乎有所依附護之以爲援有所
軋忌除之以自快又或因故及故因厚及厚而多
方掩覆之因故厚之愆而對之或暗行囁嚅或顯
肆把持或私揭中傷或避怨容隱章章大典豈
藉以行臆之具首當嚴飭者也何謂虛明鏡止水
可燭鬚眉纖塵掩之而昏人心亦然善心勝者有
餘愛矣惡心勝者有餘憎矣不以一人之見以衆
見則成見可舍也不以一人之論以衆論則成論
可捐也不以一人之心以衆心則成心可化也不

特虛其意見而且虛其耳目誰執偏念以枉縱設
辭之簧鼓哉其必度事外者之心彼無所柴柵也
度天下後世之心彼無所煽撻也夫然後淑慝不
爽而處之靡不當已何謂平人之善惡原有分數
考之者斟酌權衡如分數而止重之一分輕之二
分皆于輿論不平如曰今年處某人黨是具崎嶇
之見也互鄉有可進之童子何況士紳而囿于地
崇伯殛而禹用何況朋友限額湊數且以分平之
體拘于類乎岐路吟路或一切剝削但論各人之
身或瑕瑜懸殊或瑕瑜相半或瑕浮于瑜或瑜浮

于瑕多寡寬嚴一以無心行之庫邪憐才並行不
悖斯蕩蕩平平之道矣何謂核世風不古人言煩
興善譽者粉飾之下皆兩施善毀者指畫之間或
嫫母一人倡衆人和納交足以延譽任事或至招
尤厚貌揜其奸貪質情暴其小疵可盡憑乎竊意
開造訪單須明白顯著有可指據者曖昧影嚮隱
情瑣事游揚之詞挑激之語談之疊疊按之茫茫
寧可置之卽或才位不合所當易置器量已盡所
當歇止昔是今非所當議斥滋蔓難圖所當預剪
小懲大戒所當示懲亦不妨直述緣由不必粧點

扶同徙起嘒嘒以上皆非新奇之論不過鑿錫莢
之淺見冀 大典之稍禪耳夫留一人得一人之
用且足以爲勸則其留非濫不則奚取于容奸而
博長厚之聲斥一人受一人之殃且足以爲戒則
其斥非枉不則奚取于妨賢而致元氣之斷是在
各衙門堂上官之開註者科道之咨訪者吏部都
察院之考核者其惟慎參互審訂共期精詳焉伏
乞

皇上勅下該部議覆施行臣于汴才識庸謏向曾與
聞外計原不敢仍與內計瀝情求去未蒙省發進

懼擔負之不量退恐推諉之爲尤時日之迫冒昧
供事實悚慄靡措然臣疏就在

御前倘旦暮之間

聖意轉圜允臣辭退其於自審私衷殊爲深幸伏懇
聖明鑒察臣不勝戰慄待 命之至

庚戌十一月初六日

掌河南道御史湯兆京爲內計時日已迫科臣
職掌難辭事臣惟六年京察

朝廷鉅典吏科都給事中與吏部考功司郎中及臣
衙門河南道則共司諮訪以佐太宰總憲之成者
垣有專司事有專主所從來矣今都給事中曹于
汴乃以推陞請假尚在遷延夫人臣所守者職掌
所奉者

君命今陞轉給假旣未得

旨而于汴又未聞以病告則內計司存非汴而誰
向來遷轉易于

俞允故內外計不及並管今有何例可援考之往例
惟有御史曹楷政當推陞之時外計屆期吏部
題留竣事後廼推耳勞怨之事夫豈樂任無奈職司
何矣故在吏部則宜暫停推陞以俟竣事在于汴
則宜速出料理以示急公者也職掌相關一誤並
誤臣安能已于言耶

庚戌十月廿九日

河南道掌道事監察御史湯北京等一本敬陳京
察事宜以襄大典事臣等查得御規內計屆期臺
省例有陳言今之所少者非議論也顧官方與世
變遷祕衡隨時輕重臣等不欲以議論滋議論而
不免慨于中也謹稽故實叅以時宜條爲四款以
聞伏乞

勅下部院議覆施行臣等無任悚惶顙俟之至

一專責成在京各衙門俱有堂官爲之統率耳目
覩記最爲親切卽有去任而事體在衙門難逃
後來之鑒牖故從前條議首重常評中間亦有

同堂共事者而堂篆例應司考務宜各秉虛公
共求澄汰藉令堂屬情深同袍誼切通國之口
其能掩乎還以評人轉評主者識力謂何矣但
應議員數往時亦有叅差若必以上次爲例則
人數因時消長議論隨時煩簡恐多漏網亦患
取盈自在部院臨時斟酌以求無遺奸者也伏
乞

聖裁

一廣咨詢察典一事官盡百司時經六載原非一
耳一目能周凡在班行之內共以監察爲名

在同心以清仕版勿避怨勿避勞勿抄人之見
單勿護已之朋好在差者不得以道遠欺聞爲
口實略播糠粃待

命者已經有外計與聞之往例難容推避至于私揭
一事向多陽禁而陰用之各宜斷所從來庶幾
讒說不行然咨詢旣廢口語必繁銓憲總成尚
多裁覈各官自宜靜聽公評倘有窺探營求卽
此便成顯過何辭議處所當與事後阻撓之例
並申者也伏乞

聖裁

一破藩籬年來議論既欲收入于一事之中復欲盡入于一地之外遂令徇聲者轉相依附懷奸者巧肆中傷甚非國家之福也夫王道蕩平無偏無黨君子樂朋是比渙羣豈于比肩事主之中復爲臣分類聚之別今日所評者四海九州之人所言者公廷

主上之事出于天下之公心方成天下之大務就人論人毋見影而生疑就事論事毋株連而蔓引庶本來之面目不混旁觀之肝膽可孚而愛惜人才之意亦寓于其中矣伏乞

聖裁

一重實修世之月旦動輒稱品不知品固可爲耳而不必內行純備心術公平乃爲真品而久之無改于其品若逢人慷慨以爲氣節望門奔走以借游揚徵色豆簞遺慚衾影聲實相乖名利兼得臣等常以爲僞君子曾不殊其小人此之不可不辨也至于朝有朝論鄉有鄉評尤須叅訂方無遁形蓋一時之風議猶易平生之檢點實難當其籠罩以籍人之口不若敦恬以服人之心尤當今仕路之膏肓而持衡者宜以核實

去留之針砭也伏乞

聖裁

十一月十七日

寄湯質齋掌道書

因之吳默

昨冬尊疏來時輦下戈矛漸已休息未幾開一最難結之局虛舟者了了而事內者勞如則爲

本朝二百年未有之行徑中流砥柱不可無人且數月後復當大計又邪正消長之關正望年丈入朝肩荷此擔奈何一意考槃堅決乃爾明春之事與往年不同如乙巳諸奸蟠據雖難下手然邪正頭腦甚清若肯擔當一刀兩段更無推敲明春以幾番將結未結之案當各路似是似非之人頭緒既多躲閃最易黑白先混糞非何難故乙巳之難難

於膽明年之難難於識膽則拚得休了便是識非
鑑空無物不能識得透時卽素盜時名者極有作
手者並從處分了無顧避亦是膽也年文表表臺
中若錯却此一場大事亦殊可惜幸熟籌之

吏部等衙門爲京察屆期敬陳末議仰佐 重典
事據吏科都給事中曹于汴等揭前事又據掌河
南道御史湯兆京等揭稱敬陳京察事宜以襄大
典事各具揭到部該臣等會同都察院署院事左
副都御史許弘綱看得人之所欲莫若顯庸人之
所惡莫若幽黜而況世風之日益偷也避惡趨欲
靡所不至百生機智百生簧鼓乃當輕事者以三
二月之精神耳目定千臣百人之忠佞邪正而欲
去晉晉當重不爽令人咸信服曉曰不難矧等以
一人評千百人而千百人還以評臣等臣等以往

日之行事議千百人而千百人卽以今日之計事
議臣等藉令稍有不公以負任使無言上有
國法下有清議將無術以逭罪戾而臣等受

皇上重委昕夕矢心以報朝廷者謂何敢隕越于
下辱職守以辱

聖明乎然公始于虛卒于平而戒于核也夫既不敢
不公矣未有敢作奸作惡任已情以爲愛憎而不
虛者未有敢偏輕偏重因人地以爲低昂而不平
者亦未有敢領形信影據外觀以定底裏而不核
者若夫風聞易誤目擊難真故賢者當貴成于堂

官之公私明暗因可概見是非易眩惟協乃公故
諮訪宜專責于同事諸臣而諸臣之推避雷同所
當預禁以天下無我之心成天下因人之務剖削
畛域共偕蕩平則藩籬所宜破也論品必求其真
觀人必以其行跡是心非終難服人此實修所當
重也乃世與時變衡宜隨時多寡軒輊一切本諸
開報合諸諮訪固不敢苛求以戕和亦不敢姑息
以養奸至于後事撝拾之條律有明禁而先事窺
覷妄計營求者非其穢行已彰必其反躬有疚立
心致行卽此可卜是又察典之首宜議處者也凡

此數者科道諸臣條之甚悉總之期以至公之心
奉至公之法挽士習以正人心而俾機智無所用
簧鼓無所施其于平日黜幽之典大有裨益相應
復請伏候

聖明採擇 敕下臣等通行各衙門欽遵施行

庚戌十一月廿七日

陝西道監察御史金明時爲察典關係匪輕邪臣
撓亂有據謹列其害兄縱子納賄養交諸醜狀懇
乞

聖明速賜寔斷以清仕路以快公憤事竊惟

國家令甲外計三年內計五年用以搜剔奸邪勸懲
仕類典至鉅也部院主持於上吏科河南道考功
司協贊於下卽有元兇不得以私意撓亂法甚嚴
也近自

俞旨壅格南北內外九列辰星屈指關中十爲盈數
然皆清介正直足以表率百僚爲

卷一
朝廷砥柱如吏部尚書孫丕揚

三朝老臣鞠躬盡瘁倉場總督孫瑋肩繁理劇畢智竭忠保定巡撫王國辨別貪邪嚴肅屬吏人誰敢以私意求多之乃有翰林院掌院事吏部右侍郎王圖者冀漁人之得利爲當窟之深謀結交非類戕賊天親血氣心知人人痛憤職有慨於衷久矣近因考功司郎中張養才捧檄入都雅有持平之譽人望攸歸恐王圖亦難行其偏囑職可緘口無言今養才以愛去半月來聞圖與其私人鼓扇賄張夜行微服不時造爲飛語將令平日保貪挾邪

諸醜類倚泰山而蝕白日都下喧傳甚可危懼職
竊爲

計典慮敢滴瀝肝血首犯鋼鋒拚官拚死一一爲
皇上陳之憶職初冒臺員卽聞民謠云王圖王圖不
忖量時到位自上何須晝夜忙兒做響馬樣一箇
寶坻縣供不上職駭而不信豈其身列崇班驍躋
公輔而甘陷其子爲不肖以自敗衄乎及職奉
命按關採訪官評及科道單開有謂王圖之子淑朴
任寶坻縣時聽信鄉官芮宜芮質田教以重刑威
逼上戶八九百兩中戶四五百兩下戶幾十兩者

有謂索高福臨銀一萬七千兩貂裘二件貂帳一副貂皮百張各色珠寶首飾金獅子琥珀玉石盤盞百餘件見今將福臨隱藏不行解部者有謂徵收錢糧每兩加火耗銀三錢及發解戶每五十兩止解四十四兩累解戶坑家賠補者有謂逼索無措縊死人民韓明吉張二等二十餘人者有謂需索不遂打死韓明彥陳明道畢守住郭世先劉大敘等十餘人者有謂罰監生芮紹堯芮述堯芮陳堯等數次共銀三千七百餘兩者有謂魑人

京城嫖宿院妓被人挾詐千金者此淑朴之不肯或

王圖被其蒙蔽猶可說也至淑朴爲王圖上壽索
監生田茂頴等大珍珠四十兩葉子金四十兩李
樹芳金冠四頂珠箍四條趙國光金首飾一副珍
珠一百顆劉震霄葉子金二十五兩大珍珠二十
兩索千總鄭登雲葉子金三十兩大珍珠二十兩
玉首飾一副索序班張時雨葉子金二十兩大珍
珠三十兩張鵬翼葉子金二十兩大珍珠二十兩
索苑鄉宦金壺一把金臺盞四副皆臚列王圖壽
筵之前爲舞斑戲綵之具者王圖不究所從來怡
然受之此可謂不知乎高淮之侄高福臨有妻銀

瓶絕稱嬌艷淑拊用心腹快手米以同翟學詩等
強奪爲妾喜其攜帶珠寶數多優其各位與其妻
衛王圖明知其所從來聽其繞拜膝前此可謂
平諧如此類更僕難數更可恨者伊兄王國
纖芥秉正嫉邪冷局 留都洞悉淮撫奸貪
諸狀嘗目之曰賊名之曰假人淮撫啗之書
同心叅論國以洩私憤圖無論公心公道卽以
其兄故宜何如抱恨不平者乃淮撫以攀扯挾圖
圖以保護餌淮撫徧解釋於當道曲挽回其親兄
國見書怒罵召謂其家人曰你自做閣老我自做

巡撫兩不相涉各行其志已矣勿復言圖見伊兄
勢不可回挺身與之爲難賊由筆構單自手書大
僚拾遺駸駸八九戕一巡撫謀一端揆保媚相壓
之淮南拔去同胞之手足真畜類中梟獍衣冠中
蔡攸醜矣惡矣芟除已盡蚌鷸旣成因而徧尋羽
翼廣樹私交但聞有趨炎附勢背公死黨者多方
收之幕中飾其醜穢列之臺省爲渠同鄉後進解
經雅薛貞等冷眼覷破恐如丁謂之貽羞桑梓各
上書開諭勸其淡於進取審於締交而王圖恬不
知省反勾引百端援儒入墨科臣姚宗文一疏良

有深意職就幕中諸客摘其形踪太著通國共棄
者得二人焉一爲見任雲南道御史史記事一爲
工部改選候

命徐縉芳是已記事原以八百金憑史萬章過付陳
治則倖列西臺後記事叅論治則史萬章面責其
背本記事答萬章曰當日八百金你何曾肯減分
釐始進不端已足醜矣旣而專意保媚大貪大橫
當先爲王元翰李三才出力則原疏具在發書爲
王淑朴曲庇則原札具在由二由三南宗順之掌
家也以五千金入則攘臂居間牛玄精等保梁永

之大盜也以三萬金來投則居停延盜訖沒王元
翰之贓二十擡徐四有胡爺公道之語烹分成司
禮打點之金六千兩長安有分肉甚均之謠他如
簀鼓新進把持考選魏醫官方日新朱長班腹心
過付賊私不計其萬千楊致忠史文溪田元德閻
璫結義斯文不顧其掃地初與顧李鄭等合爲一
人繼與徐縉芳等交成八拜奸雄無比罄竹難書
此一臣者收之幕下爲何乎徐縉芳敗俗汚倫同
鄉欲啖其肉喪心塗面狗彘不食其餘藉沈季文
陳治則爲奧援人恨兩次漏網侵丁啓濬丁日遵

之血產謠云徐火連天羅列淮賊百萬爲求見保定之贊儀而功名到手卽百萬賊化爲百萬銓勲矣掇拾淮罪千條爲求媚山東之奇債而一列西臺卽千條罪化爲千條相業矣林宰有銓司之望則同鄉同籍可以計除趙用光有持正之言則座主門生不難刀俎自喬御史將淮上東林保定書一一點出而保定復書到長安明其反覆縉芳置身無地日夜拜跪一科臣云前此爲人所誤今後再不敢相負求其掩飾縉芳七尺非縉芳有等語三尺兒童傳爲笑柄又其考選後懸差數月而辭

差之日多開夫匠五百名張郎中查係冒破夾打
朱委官則又侵官之傑也此亦收之幕下何爲乎
長安奕棋于蹊百怪職

陞辭巡青止五六日耳歸而聞其同鄉布金竊去諮
訪之各單又聞奸黨朋謀捏造按臣之家報一箭
三鵰人人股栗總由太宰八月間發訪貪廉四款
令縉芳五六輩頓奪其魄而久生其奸以故做出
彌天之事裝成徧地之殃廉訪未確未敢指名叅
究然而頭顱罔惜會當滿盤托出耳職記去歲外
計諮訪時王淑朴橫肆郊圻祗以王圖魏居當路

勢可熏天人各懷忌器之嫌獨微職少少踪跡之
淑朴始懼而告病改教然終以不與察處中外其
嗟漏網今見此遮天蔽日寔煩有徒若職亦懷軀
保妻子不再爲點破任其意之所爲謀之所逞必
且陰霾可以晝蔽魑魅可以宵行死灰可以復然
正類可以網盡天下事尚忍言哉幸有清公執極
之太宰主持辯別萬萬不令小人得志然職亦惟
願職言之不中耳職以踽影孤踪觸此盤踞大蠹
職身命俱已度外置之榮辱進退又不足言矣至
於王圖身居 禁苑深蒙

殊眷不思公忠體 國惟知植黨招權立身行已大
約可知職未敢盡言以傷雅道伏乞

聖明留神省覽

勅下部院議勘盡破諸奸不惟愚職得少抒樸忠其
於 計典不無少補矣職不勝激切待
命之至

庚戌十二月初七日

原任工部營繕司主事今擬授江西道御史徐縉
芳爲貪臣巧避察典挑激要挾懇乞

聖鑒以破邪謀事臣行取考選候

命經年時當大計杜門緘口可幸無罪忽有臺臣

金明時叅論掌院事吏部侍郎王圖因而及臣臣
與王圖史記事無私交也臣可無辨至橫嶸以敗
俗喪心等語臣同鄉自有公評臣可不辨如所云
借沈季文陳治則爲與援臣爲今季文已敗矣陳
治則臣羞與之晤面者也丁啓濟丁日遵臣兒女
姻林宰以清品而蒙議臣所病汪懷德之失言者

也趙用光房座主臣所終身師事之者也臣未嘗
開列淮賊一字于保定保定見在可問也臣未嘗
摺據淮罪一字于山東山東見在可問也臣未嘗
有一語救淮百萬銓勲千條相業明時從何得乎
臣素有骯髒之病科臣一段拜跪等語科臣屬何
許人乎若臣待罪工曹帶管四差七閱月矣毫無
可指摘臣者而第以多開夫匠五百名爲言計值
不過二十餘金卽明時之貪肯爲之乎餘有不可
解者臣無從置喙然明時遍身風病氣息奄奄此
疏豈其能辨其意亦豈在臣明時蓋自知貪婪無

狀穢跡久彰察典屆期自分不免於是翻覆播弄
爲致死求生之計耳今其疏見在狐媚乞哀者不
具論臣就疏中語稍一點出之其賢王國而詆王
圖也是使其兄弟自相疑也其賢孫瑋而詆王圖
也是使其同鄉之大臣自相構也其賢張養才之
不受屬指解經雅薛貞之覲破也是使其同鄉之
大臣小臣自相爲難也毀言固明張陷阱譽言亦
陰蓄戈矛勢必使舉國紛如聚訟賢否混淆貪廉
倒置明時于是逃于荆棘之中以求旦夕之命乃
復波及于臣臣亦何罪惟是發憤于王三善一書

顧憲成別白適觸其所忌而又借臣爲媚三善之
資以營一窟耳夫察典至鉅會通國之公論而受
成于主計邪正清濁自有定衡豈假狂遂可倖免
如明時者貪污苟賤人人知之矣張國柱萬金之
賄力薦總兵樞屬之口可塞乎兩關將領金甲金
劔之索入都輜重四十餘楨衆目之視可掩乎結
兵馬爲兄弟衣服靴履皆令置辦倚兵牌爲手足
訪事過付公然橫行都城之喧傳可杜乎主于虛
溝橋等處用委官書手錢馬二人爲腹心恣所攫
取每十日進錢十萬畧無顧忌副將叅游執贄而

入私宅首飾金銀不計其數長班高聲分付公子
另要一分妻弟妾弟另要一分其子鏡初鏡玄與
沈二等出外挾騙無所不至鄰居觀聽嘈嘈詫異
此尚可謂有人理乎嗟嗟石羔山之開鑿怨咨載
道潘相之庭跪齒頰羞人他如敲朴良民以媚權
璫編派富戶以潤囊橐藉輿援于姚文蔚獻重賂
于司禮監成敬以夤緣西臺種種醜狀未易悉數
乃亦復哆口縱談計典橫扯人以自脫哉臣記在
已之春盛夢臯自知公論不容叅林秉漢冀相俾
免明時今復踵其故智乃首板未嘗受事之人以

籍新咨之口噫計亦太拙矣六載黜陟功令森嚴
聖明在上衆正在列訪貪訪廉自有紀法此非諸臣
靜聽處分時耶臣本不欲有言而明時迫臣不得
無言然臣未敢盡言也伏乞 敕下部院申飭
祖制無令挑激要挾之徒巧肆規避庶 國典以存
公論以定臣無任惶悚懇切之至

庚戌十二月初九日

日講官吏部右侍郎兼翰林院侍讀學士掌院事
王圖爲病亟思歸人言狎至懇乞

聖明亟賜罷斥以安愚分事臣自入春以來觸冒風
邪呻吟床褥益嘗六疏陳情求歸田里仰荷

天眷未卽允從頃於本月初七日御史金明時有疏
論臣明時與臣何讐而極口詆詈若有夙世之冤
不可解者此其禍有根而其發有自其來最遠而
其機最深臣自去歲二月間已知之醞釀至於今
日而明時始有言臣之微福亦過望矣臣兄保定
巡撫與臣骨肉手足恩愛篤摯自少至今未有幾

微違忤今無端被之以惡語至云賊由筆構卑自
手書縱使飛蕪惡來狼心蛇腹亦不至此明時何
忍乃以滅絕天理之言爲芟除驅逐之計亦無人
心矣臣子淑朴未任寶坻時聞人已設鼎俎以待
甫任年餘以病引去今必欲以逐臣之故橫加以
貪橫莫解之罪又何毒也臣家本孤寒區區素節
人所共信金珠何物乃羅列滿前爲祝壽之具疏
跡類病狂非復人理矣史記事與臣梓里舊交然
以方在言路相見甚稀徐縉芳行取至京循例投
帖並未接談臣何從而收之爲幕客一臣何見爲

冷署閑官作一幕客非其情矣臣知禍機久伏必
當颺發初秋原欲拜疏卽行旋復中止今惟有一
去以謝讐臣者伏望

天恩將臣亟賜罷斥其所列罪狀并求行勘以明微
節倘謂臣罪有重於罷斥臣亦惟屏伏草野以俟
聖斷至於今日叢禍之根發難之自機關線索長安
士紳人人知之人人能言之天地鬼神亦知之三
尺童子亦能言之臣不敢臆陳以責

天聽統惟

皇明司馬第百無白樹慘然

天祭記卷一

詩

下

命之至

庚戌十二月十九日

陝西道御史金明時爲愴臣穢惡昭彰噴血訟辨
謹再列實狀伐奸謀以求

電斷事臣一介寒微蒙

恩拔擢員列西臺日夜思維懼難報稱苟可披肝膽
以少濟時艱頂踵所不愛也無柰鬱積之久建議
孔多門戶橫分黑白太亂身家可重

君國可輕瀝血而言而癡痕已索于洗垢見隼而射
而毛羽不落于高墉默默三思悠悠兩載臣蓋自
痛還自慚矣卽吏部右侍郎王圖者害兄縱子納
賄養交都人士無不痛心疾首臣每與心知偶語

及之輒縮頸掩舌耀州機鋒正焰切弗言之徒暗
不測之淵耳臣私自盟心對天日楊繼盛劉臺等
夫非人乎廉訪旣真伺間欲動而偷單假書之事
發則微臣前茅效死之日矣臣于是誓死捐軀發
袖裏之錦囊裂腹內之白麻都人士無不舉手鼓
勸謂年來昏黑始見青天其害兄一事踪跡逼真
藏身無地恨不能剗刃于臣腹至其子王淑朴之
貪縱淫惡臣親臨其上耳聞目擊毫無虧枉特爲
史記事等動輒以阻塞撥路籍人之口令人敢怒
而不敢言人恨淑朴之縱橫因恨王圖之流毒人

人共憤已非一日此皆正圖自作之孽臣一片直
腸絕無倚傍不識所謂有根有自最深最遠者何
指也

至尊之前大敗之後尚敢矢口掩飾如此則平日之
容縱可知又其說事過錢長安有口少俟史記事
辨疏到日然後將記事未盡條款一并盡言不諱
乃徐縉芳失節之婦不燃之灰鄉黨朝紳鄙爲棄
物本不足汚人齒頰臣特點綴數端以發明王圖
之誤收自誤耳柰何反噬人說鬼說夢哉臣廵視
蘆溝橋時革去書役十餘名補過上首銀五百兩

又積餘銀二百五十兩備賑頗能振刷之聲接管御史能言之職可無辨職巡視東城除青差出巡外僅二十餘日自信無可指摘而職亦不及辨石羔潘官臣費盡苦心彼中舊時院道同官及縉紳見今在京師者不乏無不以此舉見稱考選一節則吏部文選司劉一焜侍郎楊時喬俱以江西之譽望甄別江西之官評果由成敬姚文蔚等進步臣且以其身爲射的矣臣亦不必辨至張國柱乂任中協頗有廉勇之譽督撫道共推轂之臣因薦爲第一其推陞總兵時耳有片言居間樞臣樞屬

誰能掩口如以首薦故捏受多賊將巡方之使必
盡廢舉劾而後無議矣關差舊有盈甲一副自徐
兆魁裁革後其例已絕臣畢巡還京鋪陳冊籍僅
僅數招經過驛遞衙門猶可復核如謂輜重四十
餘損臣卽不肖不知巡方按臣一面考察可一面
需索招徠所屬耳目乎副將叅游不知誰指堂堂
憲臣于武弁體統更自森嚴執贄入宅何異白晝
攫金臣頗自愛何得哆口污蟻臣長子讀書閉戶
頗知向上此輩無可踪跡搜及同年錄見臣妻沈
氏遂捏造沈二而不知臣妻家已絕無子遺矣見

臣二子曰鏡初鏡玄遂捏言出外挾騙而不知次子鏡玄已蚤登鬼錄矣種種不根臣不得不剖明心跡若謂臣巧避察典則知之罪之有公道在果其過蹟真確未聞一疏可逃若僅僅如縉芳等筆端做造風影都無則臣心地清涼及得因而自信况諮訪未必會單尚早部院且無定裁縉芳何謂臣不免此非其奔走權門撓亂察典之供狀耶縉芳跪拜科王紹徽臣疏中尚不直指其名紹徽面語臣曰縉芳反覆乞憐我是證佐當時何不列名疏中俾得再生折辨紹徽見在可問也東林淮南

真定保薦諸書已發明于御史喬應甲之疏而當
先尺一爲東林攘首功則叛真定叛山東矣真定
有書與喬御史恨其欺誑背本之狀甚悉喬御史
嫉惡剛腸縉芳將何處容躲閃也其他醜態種種
有據而概曰此不必辨談者掩口大笑是其心膽
顫而畢獻臣廉訪不虛可槩見矣王圖身爲表率
甘受若輩驅使假捏按臣鄭繼芳與科臣王紹徽
臺臣劉國縉書內云福清當逐富平耀州繼之秦
脉漸斷吾輩可以得志等語王圖手錄其書面徼
太宰陰中三臣所恃太宰至虛至明無固無我斷

不因若輩惑志顧其設心甚險貽禍甚奢按臣身
羈越土敷奏尚稽科臣臺臣災已剝膚何切無申
辨之章令長安市上懷疑不決臣不知其解也裝
成莫須有之風波入人不可解之罪案其他東挑
西激出主入奴箇中機括秃筆難盡撓亂察典又
何辭焉然縉芳輩不特熒惑一王圖也聞其巧投
當道之幕微服區巾步行屏從非黃昏不進門非
四鼓不別去踪跡詭秘意欲何爲此輩腹能螫手
力可移山當道諸臣洞燭其奸而竊虞其毒陽收
陰棄故爲是羈縻之術是未可知萬一被其聽熒

信其私智醜正嫉邪多貽事後之口實如天下國家大事何哉并望

皇上敕諭大小當事諸臣湯湯平平無趨詭道臣愚幸甚計典幸甚臣幼遭貧窘舌耕苦志及視篆秦和摧採紛紜調停盡瘁每入夏來便有脾胃之病旋發旋愈有何風病吏部主黜陟臣衙門主糾彈體統原無偏重何故媚王三善至縉芳居鄉居官貪淫諸不法狀臣若再爲臚列恐縉芳輩死有餘愧伏乞

皇上速將臣原疏并縉芳等辨疏 敕下部院分別

議處庶公道昭明邪謀少熄臣卽屏逐林泉有餘榮矣臣不勝悚慄仰望激切待

命之至

庚戌十二月十二日

貴州道監察御史劉國縉爲人言波及謹陳大畧
以折姦謀併乞罷臣以安愚分事臣與同臺臣鄭
繼芳及科臣王紹徽雖係同年同咨臭味相投然
卒未嘗有一次杯酒相邀以結私款惟是相會接
譚間則未嘗不以肝胆相傾許以忠義相激發每
謂丈夫處世食人之食則憂人之憂信心而行此
頸可斷若區區傍人門戶隨人口吻斯全軀保妻
子者之圖毋廼人臣之戮辱而有志者之所羞稱
乎因共矢此盟勿相負也比鄭繼芳奉

命按浙而臣與王紹徽共事春明彼其承役齎奏之

便即不無一二書信相通然皆可以懸之國門

與衆人至朝端人品之忠佞邪正尤臣等之

素所留為終身從違之準者如輔臣葉向高

之公忠憂如冢卿孫丕揚之骨鯁匡時如真

定巡撫王國止嫉惡即廝養走卒皆知之臣

獨何見而即三臣果得甘心醜正警忠

名教所罪臣于何地此可不辨自明忽

二日長安道鄭御史寄書與臣及科臣

王紹徽大約謂耀州當次第驅逐須斷

素脉然後吾輩可以得語臣聞之不勝驚駭

因拜客遍問之則遍能言之皆云五鬼作祟伎倆以成而尚不知耶臣問五鬼爲誰此書何在則皆云徐縉芳等夜聚曉散合謀于王圖之家有日矣長安呼爲五鬼造成假書圖手錄一通送之冢宰災剝膚矣而尚不知耶臣聞之且信且疑以爲言雖有據終屬風聞臣等可誣公論難掩因置之有愛臣者曰而不言則其言真矣臣笑應之曰諺不云乎事果有說將大事果無說將罷且縉芳等誠何足惜計典在邇恐牽動冢宰則事去矣客唯唯而退復有老成人教臣曰卒然臨之而不驚

無故加之而不憾果何人耶臣益心服謝之無何御史金明時叅王圖之疏出有假捏按臣家報一箭三鵰之語臣駭曰流言遂可聞于

君父耶然以發難于浙有犯時忌臣心殊不暢越二日見王圖徐縉芳辨疏皆不照此款且冢宰向王經徽云書誠有之然尚多不止此紹徽因索觀之不與且曰見之則其說長矣蓋恐臣等之有言也然臣實不欲有言以傷雅道無奈徐縉芳之辨疏放肆無禮以致金明時復有言且咎臣等之不言如臣終不言而長安市上懷疑不決誠有如明時

之所云矣夫鄭繼芳寄此書與臣等此何等機密
事臣等當何等謹秘收藏而縉芳等何自而得之
豈真有五鬼神通入人室攪人厨櫃之物而令人
不見耶亦可異矣昔者宋仁宗謂輔臣曰朕觀王
欽若所爲真姦邪也王曾對曰欽若與丁謂陳彭
年等五人同惡賊害忠良時人稱爲五鬼姦邪儉
僞誠如聖諭臣不意縉芳等遂能媲美古人宜其
敢于哆口無忌也宋臣范仲淹富弼日夜謀致太
平石介奏記于弼責以行伊周之事姦邪夏竦思
所以傾之則陰使女奴習介書久之習成遂改伊

周爲伊霍且僞作介爲弼撰廢立詔草因併傾富
范飛語上聞三賢惶懼皆不能安其位古姦邪之
賊害忠良類如此亦復何怪惟是石介之所以取
罪于竦者則以慶曆之詩有大姦之去如距斯脫
爲之招臣等之所以取罪于圖者則反之不得其
故也故彖宰以心腹待圖而圖如此以愚彖宰則
圖負彖宰矣圖以心腹待縉芳等而縉芳等如此
以愚圖則縉芳等負圖矣或曰圖與縉芳等實共
謀之何謂縉芳等愚圖也臣曰微縉芳等圖未必
至此臣固終惜圖也彖宰古之遺直也書出誰手

應不肯昧心

皇上試召冢宰孫丕揚面問此書之來歷併索此書下之九卿科道會勘具僞果係鄭繼芳所作臣與紹微會寓目而爲縉芳等所竊得也卽當寸斬臣以爲人臣結黨傾人懷私不忠者之戒如書係徐縉芳等鑿空自構陷害臣等

朝廷自有公議亦非臣愚所敢知也一念朴忠止知有

朝廷不知有權貴言不隨時行無反顧遂成水火之情形自致高厚之跼蹐內而近侍流蜚語于

至尊外而大臣捏假書于當事所謂羗夷接軫風鶴
皆兵臣今日不去無死所矣伏乞

皇上鑒臣不得已之衷原非矯飾罷臣之職放歸田
里庶可以謝圖及徐縉芳等臣苟不卽填溝壑卽
躬耕南畝頌

聖德有餘榮矣

庚戌十二月十四日

原任工部營繕司主事今擬授江西道御史徐縉
芳揭爲貪臣設謀布毒乞發私書來歷以破羅織
事職近因臺臣金明時之波及不得已而應之明
時復有一疏必欲求勝支離蔓延信口亂唾或扯
人應已或以已傍人激之以剝膚要之以申辨業
已心顫手亂欲蓋彌張職無容再發其穢以傷雅
道據其所切齒于職者不過爲職出書救顧憲成
一事而突生捏造按臣家報一節虛懸籠罩令人
茫然不知所從來職不得不據疏折之夫顧憲成
清修直節海內望爲山斗未聞真定山東與之爲

讐也何以謂職駁顧憲成卽爲叛真定山東也職
信心信理明目張膽旣已顯斥銓部何事乞憐諸
臣明時蓋自以乞憐姚文蔚陳治則等之故態而
轉掛冠之他人耳私書一節旣云明時投之太宰
授者有人則書所從來豈能逃于太宰之明鑑乎
職不知按臣何以有私書而得達之太宰也職不
知私書何以達太宰而得聞之明時也明時何不
質私書之所從來于太宰而故懸猜疑之詞太宰
何不發私書之所從授以明示而致開羅織之網
職每痛恨四明之餘黨與崑山之私人日以摧折

忠良爲謀密造蜚語叠出奇事如往者朱光祿入
京沒頭帖子榜滿朝房邪類機關良可概見今柰
何又作此鬼魅一着爲一網打盡之阱也職頸血
可濺而明時若以曖昧叠相加則當與明時共證
皇天后土明時手足雖已拘攣聽人提弄中夜自
思未必無纖毫夜氣果能誣人爲捏造否他日水
落石出明時何面目見職也抑聞長安嘖嘖有謂
明時稱書爲假而耀州一着已甘心于秦若以疏
爲書後應也此明時之未及檢點未可知又有謂
明時輩密謀爲此書撓亂察典踪跡敗露計無復

之先自發覺反真爲僞以爲逆守似此則又鬼魅
之傑而天理之所必誅者也明時卽無賴未必至
是然聞之人言如此姑存之以爲他日公案職候
命之人不宜再疏爲此具揭須至揭者

日講官吏部右侍郎兼翰林院侍讀學士掌院事
王圖爲直陳私書聞見以祈

聖鑒以消羣疑事臣待罪詞林原不敢與聞吏議惟
是五年大計臣叨掌印務衙門諸臣例應吏部都
察院會臣考察因此時有諮訪偶於十一月間傳
聞有浙江巡按御史鄭繼芳貽京中同官一書內
有欲去福清先去太宰欲除太宰先除倉場及耀
州兄弟又有斬斷秦脉以秦攻秦等語臣一聞之
患在剥膚頗切驚懼細加訪問未睹實跡臣已置
之不信矣是何人謀欲逐臣乃捏言是臣手抄轉

送太宰証誘聳動叢禍於臣若是書果有實跡臣
卽當上叩

天閹寧止抄送太宰然臣原未目睹從何抄錄旣云
係臣手抄出自何人眼見又云轉送太宰其字跡
必在發付公庭一辨可知柰何以捕風捉影之詞
强入人於天羅地網之內乎大計在邇臣衙門之
事臣爲政聞有大姦大惡思脫計典故設此機穽
計欲逐臣臣今去矣印已封發孔目廳待臣辭
闕之日繳送 內閣臣不復預聞察事矣竊恐蜚語
日盛羣疑未消輒敢直陳具故如此伏惟

原任工部營繕司主事今擬授江西道御史徐縉
芳揭爲大奸煽禍陷人自全從直剖白以存天理
人心事近因金明時以私書波及職已疏揭畧明
心迹然皆未聞敢直指爲職也及劉國縉疏出則
直云職等合謀于王圖之家職謹一一折之夫國
縉旣云職等合謀是係何人限兄也合謀必有所
語是誰何語也捏造必有筆跡筆跡何在更是何
人之筆也若無實見實聞而第云得其書于太宰
此更易明有送書之人則必有授書于送者之人
有手錄之人則必有傳原稿之人試以面質之太

宰核送書之人究其何從得來則送書者豈能爲
捏造者諱也送書者據所有而送之其罪小捏造
者以無爲有以虛爲實其罪大彼送者豈甘以身
爲職等當鋒鏑也天理常存人心不死國縉等何
至喪心而白加誣執乎若以職平生好爲激昂而
懸虛疑之則莫有之案何以服人若以職等近當
填註訪單必有異同議論則不繳單之說爲日已
久國縉等苟無愧于心又何必多疑此適足以明
其逃影之愚也且信口誣讒捏稱五鬼卽國縉已
爲造妖言之首矣四惡之說長安喧傳明指國縉

等而職初不以汚筆端士君子光明正大自宜如此乃曰職之辯疏放肆無禮國縉固衣冠一御史而職亦侯命之部臣有何放肆豈當此橫誣而令職獨不言也至于職起禍之根源職非不能言但時當察典且侯公諭之定矣爲此具揭須至揭者

辛亥十二月十八日

都察院左副都御史許弘綱爲京祭大典佐理不
堪懇乞

聖明速簡總憲諸臣以定衆志事竊惟人臣之服官
譬若擔夫之負荷外相其時內量其力力可爲備
不爲是負國也力不能爲而強爲是誤國也至于
誤國而負國之罪益不勝誅矣京官六年考察吏
部主之吏科河南道佐之而臣院以與聞未議介
于其間自臣叨冒京銜典凡四舉臣院當事諸臣
可縷指數矣丁亥則辛自脩癸巳則李世達巳亥
乙巳則溫純皆左都也未聞副都御史而敢專之

也又堂上三臣皆具官未聞一副都御史而敢兼之也今臣何人今日何日哉自

聖意淵微可否置之度外而群言淆亂是非無所折衷本公論也美惡何妨竝觀而終于分門相角則雖公亦私矣本正也勝負何須着念而雜以陰施陽設則雖正亦險矣不知鏡裏妍媸本來自任優場打諢過耳如風若徒以一事之異同定六年之賢否恐當事諸臣不若是之小也蓋自到任匝月而長安之靜者復動噤者復譁則臣之不稱彈壓大畧可觀已况屆期受事秉正則嫌于偏執持平

則類于調停安能揭日月于通衢而化參商爲同
氣臣竊自考察惕然有餘懼焉伏乞

勅下吏部將原推左都御史呂坤卽賜

簡用免其具辭兼程赴任仍將原推左僉都御史高
舉顧憲成查照甲辰外察事例一併

點用庶正人當軸衆望攸歸蚩霧立消堯天再覩而
得以卸肩藏拙不致誤

國負

恩臣不勝激切懇禱之至

庚戌十二月廿五日

陝西道御史金明時爲撫臣飾辨可原邪臣惡狀
難掩謹述長安公論仰祈

聖明鑒察事臣于本月初七日具疏糾察翰林掌院
事吏部右侍郎王圖內開害兄繼子納賄養交諸
狀舉朝士紳孰不壯臣之敢于犯奸核于觸諱卽
王圖疏中亦云醞釀至今似知不容于公論久矣
頃接保定巡撫王國一本爲兄弟關係倫常臺臣
無端造捏懇祈

聖明鑒察以維世教以正人心事大約謂國兄弟情
好素密臣橫加惡冒也者臣虚心自揣果圖無害

兄弟真情則縈于養交已足入罪何必更贓不根以
溷

大聽乃圖立心大險管進大驟意見既有異同兄弟
遂分吳越大僚拾遺駮駮八九長安有耳共聞國
何可置爲風聞無據也卽國疏中亦云言及時事
書札往來家庭骨肉何至參商等語則國且自疑
其非臣之捏造可知臣拜疏后有謂國必疏辨救
圖蓋弟雖不弟兄不可以不友而且以緩急覘國
之用意保定達京師承舍往來五日爲期五日
不至而人始疑十日不至而人益駭逾半月而疏

至人咸謂國爲圖所迫非國之本意也棠棣之詩
云兄弟閱于牆外禦其侮臣望此疏久矣而竊恠
其不蚤國得臣疏點破雖不便于圖寔便于國國
陽駁臣亦安知不陰德臣乎徐縉芳寡廉鮮耻逢
人獻媚傍門傍戶到處借援如見王國卽力抵國
所痛絕者以迎合其意而得其薦舉又假道東林
以反國之所甚惡陰陽首鼠面是心非旣愚人權
要之津又累人知人之鑑國疏云舟次臨清縉芳
來見談及是非邪正了了胸中臣心亦賢之乃考
選之

命未下縉芳忽爾建言臣以書往訊謂且當自重以
報

聖明復罪縉芳翻案等語夫謂其明于是非邪正而
賢之是卽縉芳之執贄以求容于國也而又云建
言失于自重業已自明其反覆何獨謂臣不然至
于以臺攻臺非臣作俑臣亦欲確守舊規以存雅
道無奈臺臣交結王圖引進縉芳輩弄出翻天覆
地之狡謀造成出神入鬼之邪算六年大計任情
撓阻臣乃拚官拚死出一疏以挽回時局羽翼計
典原非立意傾危豈得繫云禁臣若假書一事圖

果五鬼同謀如御史劉國縉所云恐將來秉鈞當
軸之大臣不應有此舉動國豈能爲圖諱而圖之
得罪名教貽羞青史卽臣疏亦贅詞矣若臣忝竊
耳目職在觸邪國感激時事發憤于臣臣只平心
原之公論折之臣自此惟有靜聽處分屏跡林薮
以避奸黨雄鋒于願畢矣臣不勝激切之至

庚戌十二月廿五日

山東巡撫黃克纘揭爲近聞卽報見金道長疏
考選候

命御史徐縉芳內有云拮據淮撫千條以爲獻媚山東之奇貨及功名到手則千條罪案變爲千條相業等語所謂山東益指本職也職與徐同里閭且有姻好徐又已故給事舍姪黃道瞻受業門人職以通家子弟待之書札往來嘗勗以受職之日當盡言而不可輕言至於以淮罪千條取媚於職則寔無此事職撫山東淮上則總督山東漕運事體相關本無嫌隙惟陳增故事淮徐道副使卜汝梁

將山東解去礦稅銀八百五十兩委官李麟銀四百兩隱匿入已而以百兩賞其快手管大本歇家吳光宗以滅其口及職移文查此銀下落乃僅吐出四百五十兩作賊銀解進餘銀竟不肯吐職心不平又因汝梁開手本與暨祿令其委官來山東鄒城館陶濰縣等處二十六所立廠抽稅職以稅經題明包納不許委官而汝梁敢抗違

明旨乃具揭部科數其奉迎中官而汝梁自知公論不容具呈乞休內有黃撫臺非太監委官等語淮上爲之具疏以

聞職不得已疏發汝梁隱匿山東之銀及嫁禍山東
事凡有兩疏一揭不敢傍及他事蓋職與淮上形
迹相左以此今復五六年矣夫職叅汝梁而淮上
救之迹類晉楚爭鄭然本爲地方公事理直則已
縱有人以淮罪千條媚職職亦不任受德近因東
林救淮上而徐護東林迹涉代楚救江東然東林
爲職同年一時稱賢縱有人極力爲之左袒職亦
不任受怨故爲此語者或因卜汝梁舊事而生出
一番議論也然言官得泛論國是鎮撫則各守封
疆若職身在外而樂聞人過是干與

朝政職之所大恐也况實無此事豈可無一言以自
明其餘疏中別事則職不敢與知矣須至揭者

辛亥正月初八日

吏部尚書孫丕揚等爲催

請考察日期以便轉行南京事考功司案呈照得萬曆三十九年例備考察兩京官員一應考察事宜節年奉有

明旨照例遵行外所有日期相應預定等因到臣該臣等查得考察日期舊規定于二月初二日會同都察院并該衙門堂上官嚴行考察目今正月過半時日已迫勢難再遲相應題

請恭候

命下 部仍行南京吏部一體遵行

辛亥正月十七日

浙江巡按監察御史鄭繼芳爲邪謀愈出愈奇人心大壞關係匪輕懇祈

聖明速賜處分以銷傾危以懲黨惡事先是臣之論王元翰也一時救者傾動南北而南之兩衙門諸臣爭出其奇私相救援後且出有公疏故人徒知南之救者甚于北而不知就中挑激播弄者實由北之二三儉臣提其線索故當日初開其辨實則有史記事繼發其疑端則有胡忻又繼則有史學遷一疏似欲速臣之禍機者孰意其學遷原疏乃被胡忻史記事謀改發抄則深欲中臣一則假此

以號召南北之響應及被臣叅破而學遷始有一
辨揭發抄內曰不知何人將原疏前後改竄等語
又得以據其言直求欺罔之人于是忻等見邪謀
既露不得已上疏認罪內曰是臣爲朋友之義改
竄數句等語夫學遷固朋友也將其偏護未甚之
言竟改之與元翰記事設謀之旨同一聲口是爲
學遷乎害學遷乎其實不過借學遷以爲元翰耳
獨不思倖通國之公論固黨與之私交忘
君父之大倫濟朋友之顯惡諸疏具在
御前尚未批發而紊亂

朝政按法應斬其罪依然在也其後是非旣明無復
敢有爲姦貪庇者忽王基洪由南來一疏突起其
端復欲借李三才事以爲元翰解免地乃敢以二
三人之私疏假爲同衙門之公本又公然敢欺我
皇上隨被同臺之臣劉國縉耿鳴雷等一十四人具
疏不認然後懼

皇上斧鉞之誅竟辭南都之學差託而逃焉夫基洪
等身任耳目反欲蔽我

皇上之耳目職司紀綱乃且甘心壞我
祖宗之紀綱諸疏具在

卸前尚未批發而說謊支吾按法應斬其罪依然在
也今一年有餘公論久已大明乃陰謀者終不肯
自己聞有移書于花阻撓計典以庇之者而今
且

京師喧傳謂有捏造臣之家報暗投銓臣謂臣欲叅
輔臣太宰及倉場侍郎諸大臣以絕西北之脈夫
臣生長

京師夙寡交遊甘退守恬受
命以來矢一心以報

主見有姦貪煽亂憤爲一擊直以死生爭之不知有

所謂東西南北之黨乃諸姦每欲假此庇元翰以
言臣臣之伶仃家有七歲稚子耳臣有家報商議
臣將誰與議乎況今二三大臣秉公持正勞瘁百
端天下所共爲倚庇也卽我

皇上未嘗不憐之重之無可論而欲犯天下之公以
自底匪類萬無此理又況曰家報若果有之自是
密秘何得入讐人之手是前之屢欲欺

皇上者其計旣不得行今之巧於聳當路者其姦固
易售乎堂堂

聖明之朝濟濟冠裳之衆而乃有此造言生事欺

君罔上之流卽向來妖書之竊發亦此無忌憚之輩而甚焉者若不亟爲嚴究以杜其漸將來魑魅魍魎且不知所底止傳之史冊謂我

皇上爲何如主所係良不小也然前之喧傳者原謂今考選候

命江西道御史徐縉芳與考選候

命四川道御史李炳恭褻承小帽連三四夜入翰林院掌院事吏部右侍郎王圖之幕共爲謀陷三臣之長班皂隸守門人役無不見且駭之以致長安煩言嘖嘖及假書一出的係王圖之筆跡所以閔

然相傳載之小報臣正具疏欲辨尚不敢直指其人今見御史金明時之疏乃知其所傳爲不虛也夫王圖與徐縉芳其夙行之穢在人公道之口臣不暇論辨李炳恭舊爲歸安縣知縣臣所屬也臣初入地方時隣大計尚未悉其爲人積久則皆謂其閃爍貪橫真有如豺狼之不可近者毋論苞苴所入之無筭皆部民貲郎李信齊等之過付而究在庫無碍之官銀與濫派幫貼之冗費無不搜括一空巨萬贓私半充囊橐半以賄納東林不肖之人是以虛譽日騰橫肆無忌試卽前德清周知

縣以童生一事受其譏非遽遭重竄而致童生十數人禁錮終身誰敢有犯其鋒者臣特不忍苛求於旣去之後耳今見臣久駐湖州懼其敗露而多方謀臣臣雖不知其所喧傳者衆且遠矣然害臣其小者也獨惜王圖大臣也不養重而養交惟收私人于幕下不樹人而樹黨欲美當事於掌中謀出於羣姦書成於一手而彼縉芳炳恭者徹服夜行衣冠掃地甘爲厠隸之行視彼雞鳴狗盜之徒抑又下矣豈不羞

朝廷而辱此華選哉均爲

社稷之憂也總之元翰以假意氣文其實姦貪以顯
擊排濟其真汙穢以大機局愚其衆知交惟利祿
名位之共圖故肝腸謀慮之多合而圖與胡忻等
久與之同臭味故突出一奇以爲報復而不知事
屬太奇適犯鬼神所惡令走卒下吏亦得抱不平
喧嚷之矣豈

盛世所宜有哉懇祈

聖明

勅下部院將喧傳所執之書取臣之手筆比對如出
臣手先將微臣罷斥以爲謀害忠正大臣者之戒

如係王圖筆跡將同謀二三邪臣酌情罪之輕重而置之法庶真僞辨而人心知微所裨於世道人心不淺矣然臣又切仰窺我

皇上前者一切不理之

旨非真厭薄棄置以自隳其治也當衆言淆亂之日正欲使諸臣紛然雜進各自呈其面目寬以收其忠邪徐以定其真僞而後以嚴行其賞罰是不測之威終莫令人易測而非果置之任其忿讟無已時也今朋奸益變爲神奸陰惡益肆爲顯惡事事俱在

御前正宜一發而各按其罪則天下萬世將無不頌
聖天子之神明

大聖人之作用一時若行

日月於中天而陰邪立消陽氣鬯洽

聖德光昭九有而人人游

堯天舜日之中矣

宗社幸甚臣無任云云

湖廣巡按史記事爲邪黨蓄謀已久小人懼察突
發懇乞

聖明先罷臣官以謝讐口卽

勅行勘以明 國是事臣最愚極陋

皇上不以臣爲不肖而 命之按楚自去歲六月二
十三日辭 陛出都至七月終抵臣家九月間有
客自北來者徑爲臣問京中消息客歔歔言人情
愈險愈奇迺有二說一說欲剗斷秦脉先叅掌院
王圖以杜大拜并叅臣以杜敢言又一說群小畏
內計不免欲爲先發制人之術要叅一二正人以

自敕臣歎曰斷脉之謀其畜已久而先發之說則
新聞也臣與客又歎秦脉之生絕自有數何算玉
乃爾忠義之激發自有人何慮臣乃爾內計有人
議有公法又何張皇乃爾小人心腹真堪一笑不
十月臣又按楚受事十二月十九日臣巡楚將南
行與撫臣張問達亦畧言京中情形至二十六日
臣至岳陽次日晚接邸報見金明時果叅王圖在
誣臣數事而客之告臣與臣之告撫臣者其言驗
矣夫明時貪污其賊私狼藉郡中士縉率鄙之甘
叅臣也正見臣不與明時伍也亦何必辨第

皇上深居九重何由而知其邪臣聊言梗槩望

皇上垂察焉夫臣之居官晉之士紳知之臣之居家
臣之鄉紳知之臣安所得八百金哉卽明時與臣
同容同官臣且羞與之談况臣所欲誅之陳治則
哉明時亦知人之悉其汙故先以汙扯人不知清
濁自異流也至於史萬章由二由三牛雲精等臣
初不知其爲誰而成司禮之打點與閹璫之結義
臣初不知其所指無風無影說鬼說夢何明時心
灰至此至王元翰二十槓之說尤無天理之甚何
也元翰被叅後鄭繼芳等使人晝夜圍其宅故繼

芳疏曰我知元翰無神翰鬼運之術矣劉國縉疏
曰近聞元翰挖坑埋賊希堵口求勝矣及元翰罄
身出門陸夢祖又疏曰元翰被叅后朝欲使一人
焉持數千金走南京置產不能暮欲使一人焉持
數千金走揚州置產又不能原疏具在是皆元翰
不能携資出門之明證也而二十損何以至臣寓
損至二十抬夫用四十名此豈袖中物乎元翰寓
在石駙馬西頭臣在箔子中街是時劉國縉正巡
西城而房壯麗王孟震與元翰同街相去不遠而
與臣對門者工曹張嘉言工垣李瑾與比隣者兵

垣胡應台萬目萬耳二十損將誰欺乎況四月初
二日臣同諸臣辭 朝謁 陵而繼芳在焉初六
日臣同諸臣回 陵見 朝繼芳亦在焉歸來始
知元翰爲史學遷叅及憾此心無以自白於知己
故罄身出門耳學遷初二日疏至元翰初四出城
臣在昌平又有百里之隔明時亦何忍出此言耶
又云臣與顧李鄭合臣豈諱之姜士昌爲職督學
座師以入

賀叅奸相被降臣出城候之偶值顧天峻李騰芳在
坐臣見二臣議論慷慨心竊慕之鄭振先占今第

一權奸疏大快公憤臣心尤慕之故南都叅顧李
臣疏駁之無何而天垓回南大發難端臣又疏叅
之總之或與或叅皆爲國非敢如明時等背公
死黨甘壞國家而不顧也明時將以此罪臣乎
至爲王淑抃出扎原以破明時之奸非敢爲淑抃
求庇也當王淑抃初選縣時明時輩卽造言曰王
作令正人聞之歎曰名次該翰林爲何使其選縣
氏之本分何加焉後淑抃方卽令子選縣王出城
林密囑其子曰只問兒要十又群然曰王翰萬正
父子密語外人何得聞焉至人聞之又歎曰三十

七年十月內臣同官蘇惟霖語臣曰我五月間條
陳疏有 畿輔之地有司貪肆一語原爲定興發
後聞定興不至於此方以爲過今有人欲借此局
害寶坻卽借子以害其父倘其說遂行又恐借害
寶坻父子以害我我二人可移書關差以破之故
臣曾寄札於明時尤記有造言者何巧且險也之
句夫所謂造言與巧且險者正指明時耳而以此
爲臣罪乎至徐縉芳閩人也與臣何與嘗客訪時
正人多稱其有識有才有力臣加三圈夫一時臺
省約三四十人各有訪單臣不過三四十人中之

一人耳而亦以此罪臣乎然臣又知此疏非明時
一人意也臣自被命以來發奸指佞曾無餘力
如叅李廷機沈一貫等與蕭大亨趙世卿等與申
用懋陳治則喻安性姚士慎熊鳴夏等奸黨已切
齒於臣而其最深最不可解者又無如破新舊科
道互相攻訐之疏又無如破叅貂璫卸權之疏又
無如撮治則大款六條小款三十條力請兩觀之
誅之疏蓋群奸合門密計方幸有一奇以脫罪而
臣力破之方借治則爲中堅而臣又力驅之此其
恨臣最深然尤不敢發至鄭繼芳叅王元翰就事

論事何不可者乃以平日之抗章皆爲今日之罪
案故臣聊爲持平之論而胡忻言之史學遷言之
各疏語意甚平未嘗直斥繼芳也乃繼芳力攻臣
等若不共戴天之仇是又臣招怨之一也顧天堦
奔哭于太倉吳門四明諸家約結周孔教沈思孝
勾連遠邇密布要地而二十年來邪黨頓然腥聚
希圖大舉未幾而孔教果見保揆輔果見叅議攻
太宰者勢且訐然臣激于公義而發之此又臣招
怨之最深者也無何邵輔忠叅淮撫李三才次日
有人謂臣曰輔忠已草三疏一疏叅淮撫有救者

出第二疏再有救者出第三疏其意益探臣也臣
詳勘輔忠疏名爲叅三才而意實不止於三才如
吏部無真官評天下無真道學在朝之士紳在
野之名流一網收之真亂天下者也故不敢私避
其鋒以明誤國家亦聊一駁正之其言甚平也
而無柰叅淮上者必欲甘心於臣是又臣招怨之
最深者也又無何而劉時俊唆錢策叅金士衡段
然於南而臣糾之又無何而王三善輩以尺牘叅
顧憲成於北而臣又糾之此又臣招怨之最深者
也然尤不敢發也茲者內計期迫小人自知難

而挑激者又乘間主使於是五股之人合而爲一而數年謀斷秦脉之秘始借明時以攘臂也聞主盟者詞林有人鄉曲有人素號君子而誤聽小人與素號小人而陽附君子者比比多人其蹊徑殊其歸着一總付之公議不忍盡指明以傷雅道卽明時臣亦不恠以邪正分途已久不足恠也此邪謀不知王國會聞之否國友愛素篤其何以爲情哉嗟嗟自古小人未嘗不嫉忌賢能者而公道自在如宋元祐時謝景溫叅蘇軾以商賈矣范致虛叅程頤以邪說矣而當時貪廉邪正之分何嘗不

明此尤往代也七八年前錢夢皋泰溫純矣康丕
揚叅沈鯉郭正域矣而今日邪正孤黨之分何嘗
不明群奸不過謂章奏不下

聖斷久稽卽黑白變亂其誰別之是非顛倒其誰持
之不知秦檜倖保首領而不能逃萬世之誅岳侯
雖遭奸毒而永享萬世之祀是邪正之報有不在
一人而在天下不在一時而在後世者明時等勿
謂天地鬼神之終可欺也臣今日不謂秦脉惜而
竊爲

國脉惜不爲臣一官惜而深爲言官惜不爲群奸之

害正惜而重爲

主上之孤立惜也若臣當抗章擊奸之日已切長林茂草之恩矣不然豈不知有今日哉伏祈

皇上先將臣罷斥之以遂彼報復之願仍將救王元翰李三才疏并臣與金明時居官各狀

勅令部院從公會勘如果臣爲奸爲黨爲貪當誅臣以謝群小如果明時爲奸爲黨爲貪當誅明時以儆官邪一

旨傳布萬口歡騰庶幾國是明而人心正廓清可立睹乎臣曷任激切企仰之至

卷之八

辛亥正月十九日

原任浙江湖州府歸安縣知縣今擬授四川道試
御史李炳恭爲按臣誤信挑構無端波及謹據疏
剖析以明心迹事臣自己酉冬以歸安令入

覲按臣鄭繼芳舉臣卓異臣心德之考選事竣往返
書札繆承獎借毫無嫌隙唯臣賦質骯髒或櫻時
忌昨私書攻發聞有欲甘心臣而借以相誣者臣
擬具揭隨念事屬烏有不辯終明不意竟有以蜚
語譖之按臣在按臣急于自白遂誤聽人言而及
臣矣臣謂私書一節上有天日下有人心幽有鬼
神明有清議臣果與謀甘當寸斬若據論貪橫等

事以按臣加罪于舊屬何患無辭但臣斤斤奉法
自矢冰兢過付何事歸安何邑而容此五載不肖
之長吏耶無碍有無具懸尺籍徵派幫貼自有印
單周知縣掛議權出按臣誰爲蓂非三童生薄愆
法在學臣何曾禁錮賄賂東林尤爲近來排擊善
類套語按臣亦爲是言耶臣一人之身耳前見舉
而後見刺愛則爲之鑽毛出羽怒則爲之洗垢索
瘢毀譽之密移而愛憎之至變也總之按臣有私
書之疑而後有叅臣之疏長安有郵筒之報而後
生按臣之疑夫按臣精神夢寐皆爲王元翰一事

牽懷縈慮臣于按臣有德于元翰絕無交至于王
圖並未識一面臣涇涇之守且不輕于晉謁又何
至變冠裳而入幕躬敗檢之行反怨德之常謀捏
私書以相傾陷此事至愚者不爲至愚者不信而
按臣顧落人挑激播弄術中耶憶去歲南中叅疏
有貪淫縣令藉建言以自文之語原有定指而一
二憚人妄爲傳報致按臣纒纒辨語往事可鑒豈
容再悞臣固不恨叅臣之疏而惜按臣之爲人所
誑臣亦不恨謗臣之人而歎長安之境爲幻場也
夫獎廉懲墨義莫正焉若果無夾襖私意儘可靜

聽公評廼元翰之去國事逾數年猶爾指摩羅織
株連候

命之臣睹弓影而成祟聽風鶴而皆兵効書記于盟
郵卸知証于班隸大開寗陷廣肆鉗網蓋言未脫
于口而旁觀者已悉其閃爍之情態窺慘毒之用
心矣按臣雖遠終當得實竊恐今日造無根之言
以欺按臣者他日睨見冰消必且以挑激播弄之
故而自悔耳總于臣何與哉臣係繼芳舊屬誼不
宜辯但因私書而駕禍于臣又不容不辯伏乞
勅下部院將私書根原查究真確庶諛口無可乘之

隙善類免株連之禍矣臣曷勝悚息待命之至

辛亥正月二十日

陝西道御史金明時爲愴臣貪肆譎邪自供自證
謹據疏折倒以祈

電察事臣歲前疏叅翰林院掌院事吏部右侍郎王
圖因及御史史記事徐縉芳等隨該縉芳疏辯捉
影捕風說鬼說夢長安公論業以腐鼠置之及記
事辯臣疏猥云賊私狼藉並無實款實狀臣之心
迹畧足自明似可相安無言至其自任爲敢言爲
君子謂非小人則邪正倒置黑白混淆臣義氣所
激有不容嘿嘿已者竊謂天下無兩可之君子無
獨立之小人定見定力百折不撓終始一節者真

君子也人趨人諾占風使帆倏忽背叛者眞小人也記事陰陽變幻旣彌縫正人又巧結當路予奪自謂由我向背果有奇驗長安士紳爭欲食其肉而寢處其皮種種情狀臣不敢盡言以傷雅道第據記事辦疏中所招認者一二平心折之當顧李聲勢燠灼時半席之交金蘭比契一經敗衄而大亂將作之疏出矣一人之身始相慕之深後相擠之甚勢在如蟻附羶勢去如鷗逐雀君子耶小人耶鄭振先方今第一權姦疏果大快公憤至其一歲三遷鑽謀獨舉吏部牽動南北擁戴顧李此其

人世所共擯者也始欲借鄭以交結顧李則慕之
既欲脫卸顧李之黨則叅之君子耶小人耶王淑
抔貪酷淫縱

國朝二百年來未有其比記事反貽書遊揚討免察
與甚則遷怒於出單者陽示德於子陰結歡其父
君子耶小人耶天下無兩是之事故調停之說最
亂國是而惑人心方今王元翰李三才之是非
昭垂日月如記事持平之論已立於不是不非之
間況名爲持平實爲王李左袒王李何如人則記
事何如人君子耶小人耶王元翰賊私狼藉計無

可出 國門乘臣等奉差謁 陵之日密寄頓於
史記事二三死黨及徐四索取則托名被盜托名
使費分文不吐始焉受其寄頓本爲死友密交既
而見財背義何異探囊發篋君子耶小人耶徐縉
芳貪譎陰邪仕紳目爲異類卑皆又壞擬定閑曹
記事獨違衆三圈門生侍御臣等三四十人多見
在京城問記事一人而外三圈縉芳者有幾把持
考選濫庇匪人君子耶小人耶稅棍牛玄精陳文
孝等謀保梁永再往織造神人痛憤記事反居停
各棍力爲請托滿朝薦貽書素宦其事彰聞爲彼

鄉縉紳所不齒乃槃委曰不知爲誰將誰欺乎爲
稅棍作逋藪爲闌瑯作走卒君子耶小人耶大臣
收賢士而進之君君舉賢士而用之天下四海爲
家百流共濟不聞其脉在一方也又不聞此方之
人單爲此方之脉而置君國大事於一膜之外
也秦脉兩字何其忍於忘君豈

皇上拔起秦中一二大老專爲秦人接脉而太宰孫
丕揚等奮起田間以圖報效止自顧同鄉之脉乎
記事厚顏諂附爲取媚固寵之地殊不知迷鬼之
鬼甫出春明而太宰已急急廉訪王元翰李三才

之黨矣且浙脉蘇脉諸君子之所以攻四明吳門者而記事反以之厚自誇詡抑何其甘蹈覆轍乎敢言人士之美節亦諫官之職分人有以此名相加者惴惴懼不敢當未聞有驕蹇自任於

君父之前者也況其捩拾唾餘專爲牢籠顧李繼娟王元翰淮撫實則擁戴王圖臣故仰慕前修靜觀鷹犬如楊繼盛世宗敢言之士而鄢懋卿則嚴嵩敢言之士也劉臺鄒元標

皇上敢言之士而曾士楚于應昌則張居正敢言之士也王圖記事得無類之亦足羞矣計典發單

在十月收單在十二月記事遠在數千里外臣又未嘗保食保橫奔走權門簀鼓新進何以知臣懼察溫都御史逐幕客非死黨者也沈鯉郭正域見傾于妖書非捏造假書者也天顏咫尺瞻對不遠不知客是何人敢以唐突君父而自家兩笑正人亦兩笑何正人與記事當此天妖物怪之秋絕不見愛形於色而動輒向至尊前開笑口而又何其以一笑了天下之事也王圖曰秦脉記事亦曰秦脉王圖曰以秦攻秦記事亦曰鄉曲有人王圖曰臣衙門有大姦大惡記事亦曰詞林有人

王圖曰未任寶坻時聞人設俎以待記事亦曰父子密語是其喘息呼吸儼若家人父子貴串相通亦足以見其胆鷄心驚茫無置對不得不向王圖喉下取氣息耳故記事者臣叅其保元翰則自供矣臣叅其媚淮撫則自供矣臣叅其救王淑抃則自供矣臣叅其戴顧李背顧李則自供矣臣叅其擁戴王圖則自供矣臣叅其庇徐縉芳等則自供矣長安喧傳僉曰記事此疏非辯疏乃供狀也公道自在人心臣本不必再爲番駁但其反覆放肆之狀無人敢告於

陛下臣故掇取 斧鉞之餘生揚眉論列只就疏論
疏毫不及其訪單條款以自附於臺不攻臺之誼
者如此至假書一事果其得自耳聞當直云出於
何人之口果其得自目擊當直云出於何人之手
如曰原無此書則王圖直陳私書見聞一疏業已
入告 君父何復含糊怨望不吐不吞將爲造書
者曲庇乎將以假作真朋謀合算一唱衆和難言
下手之人故噤不出口乎此皆養交流禍臣願王
圖亟亟剖分毋至以一節喪盡生平則臣言猶庶
幾爲他山之石也統惟

聖明裁察焉

辛亥正月廿二日

湖廣巡按史記事爲微臣病不可支義不當留懇
乞

聖明垂鑒蚤放以全餘生以成微志事歲除前臣被
金明時捏誣不情數事臣已具疏辨叅靜聽處分
矣無何見明時辨徐縉芳疏又云待臣辨疏至將
未發條欵盡數發出臣笑曰前日之言已屬無風
無影今日又將撲風于無風之外捉影于無影之
外乎臣不知何仇于明時而不勝不休至此大都
一言可蔽曰爲沈一貫李廷機等顧天竣沈思孝
等陳治則申用懋等報復耳臣前歲有大亂將作

疏臣相知者力止臣云自救王元翰後鄭繼芳等
方側目未已今再有此疏天峻思考等必百計圖
復其禍立至臣應之曰言則禍身不言則禍國與
其禍國毋寧禍身臣疏中亦言之臣昔有奸相蓄
意叵測一疏亦曾言死于忠死亦生也生于佞生
亦死也臣矢心如此故兩年來以弱軀犯虎口而
不暇顧孤挺當千鋒而不敢避又何恠有明時之
今日哉總之是非在天下臣不願與明時較惟一
去可以謝明時輩耳而臣之當去者有四一曰病
不任事臣三十四年入京是冬卽有妻妾之變次

年又有子女之變客邸慘傷兩手脉伏自分必死
矣過歲幸有起色而目病又輒經年昨九月終
赴楚臣長女復亡一號仆地嘔血數升五年積愆
又盡發于一時臣病實不能往祇畏限期已近審
決已逼而請告無時不得不強病出門親友送臣
者臣暈不能揖弱不能語只能一拱手爲別耳後
途次調攝月餘漸覺痊疴及入省積案堆山日行
旁午而舊病勞發今頭眩背痛目腫氣壅百務一
切停閣而誤事之罪其將安辭臣不可不去也二
日誠不動友臣在都中常與三五厚友朋曰我輩

要德業相勸過失相規方可匹師濟千萬一故相知中有意見偶誤聽聞偶錯或被入巧用或借衆報私者卽苦口救正原欲效他石以相成不虞角操戈以相報也此果熒惑之入深乎抑亦騎虎之難下乎友不我信伊誰之咎臣不可不去也三曰構秦未已當萬曆十五六年時有一奸人

皇上卽明斥之迨二十三年後有一直臣奸相必巧擠之明斥之而天下喜巧擠之而天下不怨喜者爲

朝廷有公法不怨者爲

皇上無成心也故邪正角立黑白甚明至于今正人
摘邪曰清議明邪人攻正亦曰清議明正人惡邪
曰吾不忍若輩之害國家也而力驅之邪人亦惡
正曰吾不忍若輩之害國家也而力攻之有如狐
妖爲祟一女而數夫不知誰爲真夫一夫而數婦
不知誰爲真婦世道若斯憂時者惟有流涕已耳
可恨權奸當

皇上聽言之日欺君以罔上而黨同伐異能令鷹犬
陰佐之當

皇上不聽言之日又合縱以連橫而遠交近攻能令

鷹犬明操之竊恐爲秦佐構禍無子期臣不可不
去也四曰勢酸宜避自古君子少而小人多數雖
不勝亦各安于其類也今則名爲君子而陰用小
人以行其私致小人于派歸一亦幸借君子以行
其私至于今無讐不報無怨不復無君子不被謗
無小人不吐氣而欲攻真小人則假君子出而援
之欲攻假君子則真小人出而援之聲勢相援長
裏爲奸長安市上任其翬競而莫可進
路行人歛迹臣不可不去也雖然
君子之心平小人之心險君子

間小人輒欲擠異已于淵底君子之立言逼真小人之造言鑿空虛心一照有如日中魑魅魍魎又安所逃哉此臣不願與明時等較也臣又見明時與劉國縉疏有太宰處私書一節臣遠不敢遙度第想八月間光祿朱吾弼入京匿名帖布滿長安由此推之何人不可誣何言不可捏何事不可生也私書匿名或出一派乎匿名帖不敢認私書又誰敢認無惟其張皇若是耳明時不認私書是矣然兩疏字字與私書相應竊恐自爲私書之証也臣以爲今日之私書就如前日之匿名帖不久終

當發露耳嗟嗟國之治亂有數人之行止有命明
時其如數何其如命何自今以後臣尤望明時輩
捐其成心還之大道擊奸之人不必盡譬用世之
士不必盡忌不必以已爲正還須自人定之不必
以人爲邪亦還須自人定之是非聽廟堂之評用
舍由

朝廷公斷庶幾哉攻訐聚訟之風可以少息而敗壞
于前者尚可收拾于後乎吁臣言止是矣伏祈
聖明憐臣之病體臣之情蚤放歸農則優游泉石頤
養天年皆

皇上臨御載之恩也賢乎搏擊不效而開怨起釁抑又
遠矣臣曷勝激切悲鳴之至

辛亥二月初二日

刑科給事中彭惟成爲察期未定人心滋疑懇祈
聖明蚤斷以重大興事竊惟京察六年一舉所區別
邪正澄清世道一大關鍵也陰陽消長之機實決
于此故澄清必肖羣品天下于此見日月之明舉
行不爽常期天下于此見四時之信今考察日期
吏部查照節年舊規具題請

旨不啻再三迄今仲春越朔矣乃尚杳然未蒙

批發遷延濡滯中外懷疑將緩視此事則黜幽大典
風塵

宸衷卽萬幾殷繁何至屢格況尋常啓事往往得

旨豈反以此爲緩也將重視此事耶則去留當否係
于鑑衡之公私不在時日之延促主察臣工矢天
日而行之薰蕕蒼素原自昭晰斬釘截鐵勢無兩
可卽累月之咨詢亦足以辦此矣如其不然展期
愈緩掣肘愈多一日之優游不斷則一日之纏蔓
難除

陛下不念乙巳之往轍乎彼時甄別已定黑白已分
止因觀望于留中遂致紛紜于事後雖公論夕而
自定直道鬱而復申然國家元氣因之傷殘不小
況今之時何如乎門戶愈多岐路更禱忠賢孤危

吏科給事中梅之煥爲計期原有定例

明旨又已報知理合裁行以竣大典事竊照京官六載大計節年定於正月二十八日舉行業成定例無復愆期獨於今歲正月二十八日改至二月初二初二改至初五初五改至初十初十改至十六十六已經數易至今仍復不下過此又不知在何日矣事出非常各生臆度臣固知其決不出皇上意何也

皇上英明主也加以閱歷之多豈不知斥幽重典事之決不可已者有何猜疑有何吝情而亦復遲推

若此卽云慎重其事但當慎于咨訪慎于推敲慎于處置使善類不至株連奸宄無從漏網止矣寧有弛法紀閣舊章蕪穢仕路以爲慎者諺云席久話多夜長夢多况此事何事此時何時而可令遷延日久枝節橫生乎卽今旬日之內有捏增新單亂投匿揭者若再稽遲更復何所不至其究使國家黜陟之權不在

皇上不在部院不在臺省不在功司不在通國輿論而在市井無賴吠聲射影之口混亂決裂不可收拾豈英明如

皇上而甘以否泰大關爲戲者哉且故知其不出
皇上意也或者謂題知而行恐涉專擅臣竊以爲不
然夫所謂專擅者必其原無此例偶因議起如汲
黯持節陳湯矯詔之類是也然當時人主尚不督
過反賜褒嘉大計之有常期原屬定例如鄉試定
於八月初九會試定於二月初九何常臨事請期
以滋瀆進賢退不肖事體正同安在大計之不可
照大比例從事乎况昨吏部催請又奉
聖旨知道了是

皇上已明明報可矣就裏通融正是善承

聖意如必拘泥常套仍候報期萬一不幸一月不報亦將一月不舉乎一年不報亦將一年不舉乎竊恐候期之節小誤事之罪大且以

祖宗數百年之成憲而不克奉行自今日始又豈所以明共順也伏乞

皇上念大典之決不可稽急賜 俞允以便奉行倘謂業已

知道不必再瀆該部合無題知竣事是卽以義裁命之忠以權合經之法也臣無任激切顙望之至

辛亥二月十二日

工科給事中歸子顧爲計期屢易殊非政體懇乞
聖明俯鑒部題以速竣大典事臣竊惟

祖宗令甲考察京官六年一舉其所關於治亂消長
之機比外計尤爲喫緊部題日期從來不爽未有
淹時越月數四更易尚未奉 俞旨者

聖意得無緩視此事乎則大僚及四品以上京堂各
處巡撫自陳諸疏輒蒙 批發是

皇上益稔知節年舊例不可稽矣昨吏部又催請日
期奉

聖旨知道了是

皇上已明知卽日舉行不可已矣羣情方且囁囁欣
慰柰何復杳然未定耶若以爲慎重此事不過慎
重于諮訪慎重于處置使忠賢不傷于投杼姦宄
無幸于漏網如是而已安有稽緩稽閣致國家
之鉅典傍徨通國之疑竇寢啟而以爲慎重也者
況主計諸臣甄別薰蕕主持堅定而又經之以累
月之諮訪不爲不久已審矣又奚事遷延日月爲
也且此時計典所關係又非往歲比也爰自累年
章奏寢閣以來羣情壅塞日甚一日壅塞愈甚則
議論紛紜議論紛紜則歧路愈多歧路愈多則猜

疑愈熾常恐日後不知將何紀極只今所以明
國是平人情使君子有所倚而得以自固小人有
所懲而不致敗羣揭日月于中天鎮枕裡之世路
獨賴此舉烏得屑越戲豫視之耶故此一舉一日
不定則人情一日不安坐令枝節橫生流言彌廣
彼思所以傾危善類者儘其神巧何所不至不啻
如偷卑匿揭之類已大率近來時政總之操持之
極還爲廢弛

皇上每以操持爲廢弛而不覺今且濫觴不可勝言
此何事也而亦以此道用臣之所大懼也茲者部

催何止數次科臣彭惟成梅之煥又交章懇
請未蒙一報臣切以爲逾期已遠卽日速舉尙虞
稽遲若復不定更待何日伏乞

皇上俯念 國家否泰之機勿靳俄頃 明綸急
俞部請以便刻期竣事且 聖明業已知道恐難
多瀆卽如科臣梅之煥所請該部通融題 知亦
所以善體

聖意允釐鉅典之極思也臣無任激切待 命之至

辛亥二月十四日